

書

歲寒堂初集卷三

錢唐林璐鹿庵著

受業

霍秉懿子美

較

周珮瑩襄鳴

傳

冬官郎邵弘齋公傳

邵先生經邦字仲德號曰弘齋先世自洛徙蜀三遷至姚江又自姚江徙錢唐至公父大峯公稱五世相國梁文康公序其族譜蓋康節十八世孫也出○世○系○婉○曲○有○致○正德丙子領鄉荐庚辰成進士永嘉張相國璉與公同籍相

得歡甚相國凡入上春官齒幾倍于公值武皇巡幸
 猶需次待廷對明年辛巳肅皇自興邸入補策士公
 與相國幸連冷甚又需次為郎時大禮議起相國欲干進甫觀
 政即上奏嘗肅皇公假歸命攝行人存問謝文正公
 姚江為公桑梓文正公構杏莊黠染比綠野公延佇累日
 歸告大峯公曰謝公真宰相也望其丰度廟堂無此
 人嘉靖元年壬午添註冬官主政管六科廊上大婚
 封后父陳為泰和伯賜第西華門舊為武皇宸遊地
 公白尚書言白虎方隅不宜動且邀少府水衡金錢

六十萬將安出尚書命公偕同官葉寬翟璘往面議
 后父激上怒下二人廷尉公自劾上言臣實與議臣
 宜同罪詔罰俸錢一月已而獄竟解是時永嘉官留
 都一筆比部郎與安仁桂夢日講求大禮蓋新都猶在位云公
 弟經濟計偕京師欲侍兄卒業太學會祭酒嚴嵩私
 甬東趙文華妙人早巳類聚試每第一及謁見足恭勞甚而兄適權
 荆州稅遂辭去乙酉還朝考績丙戌陞副郎公弟亦
 成進士舉朝側目張桂公遠嫌自立適丁內艱公與
 弟奔喪歸哀毀廬墓悉如禮公聞道最蚤制藝為人

於式高相國儀茅學士瓚於公稱後進屢以文上謁
 公輒推學士相國銜之後茅果魁天下服除改副比
 部郎與太宰楊公博同舍楊心契公公去京師三載
 永嘉驟躋政府祖宗朝所未有乃猶恃主知傾楊文
 襄而佯為申救更假玉石以擠費文憲其後同室操
 戈張璉桂萼霍韜方獻夫各欲爭長上亦厭之降敕
 奉天門罷張桂輿情色喜公曰未也行復召矣上果
 悔手敕追還永嘉而言者重得罪八年十月朔日有
 食之公悲憤歎曰曩者武皇北巡某無官守上封事

幾萬言格於羣小不報今上改元草中興保治十慮

書將詣闕忽遭西河痛不果方今熒惑失次明星晝

見是何等時耶乃泣血上奏大畧謂禮閑萬世陛下

神聖私議禮諸臣即私其所議之禮也禮可守亦可

變可成亦可毀漢制日食策免三公上天示儆臣甘

效茅焦伏質以報陛下奏入上震怒始公再至京謁

相國相國降階迎寒暄款洽至是亦怒更進揭謔以

謗訕廷杖六十械繫御史府獄禍且不測其弟經濟

欲上書代兄一夕公夢大日照窓楹沸聲呼失火而

廣雅

卷三

二

又補前又與下文作波

又補二人

能料事

先引二段

定有題目

妙

公心誠果符夢

醒天曙。獄吏報曰。乾清宮七所災。特旨。謫戍鎮海衛。
 厥後洛黃門昂。繼劾永嘉。上以為出公意。屢經放赦。
 獨公與楊慎等八人。俱不宥。公在戍所四十年。閉戶
 著弘道弘簡史學會同三錄。凡十餘萬言。臥病夢大
 星如日墜。而卒。學者謚為弘毅先生。穆皇立。子康生
 伏闕訟父冤。太宰楊公喜曰。爾父昔與某同為郎諫。
 草尚能記憶。高相國在宗伯銜。昔怨阻之。康生怏怏
 歸。又六年。萬曆改元。同鄉張恭懿公瀚為太宰。白其
 狀。詔復故官。又二十年。始崇祀于鄉。鎮海衛築寓賢

祠。祀豐學士熙。陳主政九川。及公三人。云陳公即相
 璫。假貢玉以中鉛山者。公與譯使虎仙下。詔獄幾斃。
 後戍死。

林璘曰。世廟號稱英主。始終拒諫。說者謂永嘉實啓
 之。延及分宜。禍益烈。永嘉固非分宜比。然怙寵固位。
 亦不免焉。李福達之獄。流毒縉紳。帝私其臣。臣私其
 黨。寃哉。讀公疏。忠言千載矣。公四世孫吳遠。示余家
 乘。採其大者著於篇。

先大夫少負氣節。居官侃侃不屈。抗疏謫。譴僅以

旅櫬歸鄉人至今悲之今得此傳先大夫不死矣
讀之淚數行下四世孫吳遠敬識

孫執升曰為弘齋先生立傳攔入許多人物鬚眉
如生涇渭了然字中已挾風霜之氣至
於使事處既疎宕又嚴整兼馬班之長
有才有法可與論史

丁叔范曰楊升庵才美而節高老于滇南遇窮矣
邵公風槩亦復如之余惜升庵轉而惜
邵公

孫黃門思全先生傳

公名枝字子榮號思泉晚更號曰思全仁和修文里
人也父揚母曰姚媪宛似子長初誕公時父夢里中見呼迎喜
神公曾王母楊大父宗黼俱以節孝著事詳邑乘中
公成童每蜡臘上先祖食其父泣指畫像語公曰吾
致歷落王母少寡遭叔凌嫂將抱吾父共沉洪福橋下救免
王母歿父哀毀廬墓若將終身焉孝子如在數詣上官叩頭白
母節孝宗皇帝聞而哀之命旌母門人人稱孝子汝
若成名毋忘先烈年十三應童子相國華亭公視學

政得公卷擊節嘆賞語郡守曰此兒不憂不上人毋庸驟驕之也姑抑之以勉童子至十六始補郡諸生從師學易郡少年喜與公遊奉為祭酒年十八父客死魯橋闌奔喪歸痛哭幾隕母姚亦泣曰若戕身能生汝父乎乃止及免喪娶婦養母歲歲傳經餬口數徙居無寧處然聲名藉甚時海氛未靖父棺暴郭外公躬自運孝子土坼血成墳歸報母曰寇來無患矣乙卯秋試婦暴卒甫闔棺棘闈啓公泣涕白母兒入試人必謂吾忍親故強公曰卿以母在何恤乎遂領鄉薦

計偕中途聞相嵩殺員外郎繼盛悲歎累日尋下第

歸益攻苦力學又三年抵京同鄉沈錦衣鍊為楊順

路楷誣死公益憤相嵩至己未成進士肅皇帝方坐

齋宮大臣日以青辭供奉嵩父子益用事公對策有

執天之權毋使下移等語畏嵩者格不前循資授太

常博士俄改給事中封駁戶垣公上言十事蘓民困

華亭新柄政天下想望風采記相國識公遙應時於

今二十八年矣丁內艱三年還朝道出淮河民飢公

上言災荒狀詔巡光祿公字法上言蠹有五弊由中貴人

毋妄貸。莊皇帝改元華亭。新鄭交相構。公上言。相國拱剛。復猜忌。歛怨修隙。南北交章。指斥猶曰。我能手刃若輩。豈輔臣語耶。華亭以為附已也。及議譴張齊公。曰。二君固黨新鄭。奈何媚相君。復借他事。戍言官乎。卒不肯苟同。華亭命大賚團營物。故者弗予。公上言。存歿俱宜贍卹。詔復如公言。軍中皆呼萬歲。故諫臣冤俱得白。詔逮殺沈公鍊者。公上言。順楷為嵩鷹犬。藩臬用中天俸。又為順楷鷹犬。置鍊死。俱殺無赦。輿論快之。自刑垣晉掌工垣。凡四年耳。上變先帝法。

命闖人坐營。則有言。京營不飭。則有言。杖言官。則有言。宦侍逐六卿。甚至毆御史。則有言。敢諫無虛日。公少時喜讀劉蕡羅倫制策。而剛正似之。新鄭復起。出公叅晉藩。備邊徼兵。縛渠魁。伐其謀。鄉人禮佛者。無賴子誣以白蓮黨。公立散遣去。入棘闈。代晉士程易。藝王元美為右轄。輒遜公。楊中丞綵新鄭客也。念無以當新鄭意。坐公不朝。大不敬。罷公歸。未幾新鄭又罷江陵輔幼主。公絕口不談新鄭。家居二十有三年。以不得祠先節孝為恨。冢宰張恭懿公忤江陵歸。延

必○有○一○題○目○

○宛○如○歲○場○

○正○直○公○論○當○時○但○知○門○戶○

○特○事○變○幻○

公入怡老會。中丞直指薦剡不起。公曾王母楊以節。祖宗黼以孝。公兩兼之。虞司勳淳熙表公墓曰。節孝先生。可謂知公矣。

林璠曰。某聞長老言。公客慧安東舍。舍人夢黑龍起。

舍東龍德。故吉。乃陰陽家謂履喜神武。尤吉。姚媪坐。

蓐時夢先之矣。以故公所至人輒喜。楊襄毅公博人。

倫鑒也。公守冀方。乘障禦敵。敵引去。楊大喜。比公為。

年恭定葉文莊然。新鄭卒不喜。公何哉。

陳際叔曰。孫公當穆廟時。挺持大節。風裁凜然。以。

忤新鄭。罷歸。閉門却掃。為真率之遊。錢。

唐稱名德者。首歸焉。即宇台高大父也。

公有諫垣疏草三本。深識治體。如賈長。

沙如陸敬輿惜哉。其不見于用也。得鹿。

庵此文。公殆含笑九原乎。

毛稚黃曰。寫思泉公大節處。妙在不作過激烈語。

癸辛孫氏世以節孝聞。今子孫皆能守。

其家學。弗墜。得此文。尤覺前光後輝矣。

胡瑤字學士傳

胡學士尚英字瑤字系出宋澹庵後世世家新安其

父避禍賈清源徙家而北公遂補清源博士弟子年

十三能為古文辭繼邑人謝山人榛遺響清源人惡

公有鶴占其籍又試高等思有以中公然鄉比輒鍛翮歸

惡者皆掩口而笑羈身鄉校歷五十有三年始以明

經詣選人又見阻不獲已再入長安省試舉孝廉明

年射策甲科神宗皇帝四十七年也相國韓公壙重

公宿學得值史館明年神考崩光宗立踰月殂落熹

宗新踐祚。爭紅丸。移宮無虛日。朝猶闕市。賢者勁如

秋隼。不肖者誠如君言鼓簧肆蠱。假以鈞黨。一幼主。幾不能辨

黑白。公悲嘆。某釋褐一歲。三易主。今者冲聖在御。羣

言混淆。何以立國。適丁父艱。旋里三年。赴闕。舟至張

湫。聞楊左下獄。灑酒雪涕。曰。清流之禍烈矣。緹騎日

出國門。人人重足立。抵京。但聞稱厥臣功德。土田鐵

券數下。尚書省是時官家另用一番人矣南樂崑山相繼秉政。闖人私第

匍匐進謁。自相國以下描寫宛如傳奇昵恩呼阿父。平平無奇耳。公

至。授檢討。命修三朝要典。固辭。同事者姍笑曰。此中

有富貴。乃辭耶。公為人和。而介南樂。知貢舉。分校當

得二十三人。故抑公得二十一人。公好雅量淡然不爭。南樂

有愧色。闖人持畫像。索翰苑題咏。丁公乾學戒同官

弗與。耻列名者僅六人。公其一也。闖怒。各削官。丁公

典試歸。金吾將軍高守謙代闖。斃公挺下禍。最酷公

出。彭義門同年生。祖道公把杯謝曰。吾年垂耳。順宜

抱孫尚無兒。今者幸免。義兒足矣。一生方父闖面發

頽然。公歸。輒舉子。公愛西湖山水。移家錢唐。錢唐縉

紳謀祠闖。持刺邀公公。不答。縉紳訝曰。上公薄譴君

後民堂初集傳 卷三 十一

欲君黜居思咎耳胡君乃終憤憤耶更趣駕詣公屏
人法語曰君悞矣浙織造李實在恐驛聞能無妻子慮公作

色曰如楊左周繆何一紳公姻戚也比於闞介公門
下生某婉致詞三返不應祠介湖山之勝踞武穆壯

繆而中雕墻峻宇浙相國為文亦足不朽閩相國書碑時稱雙
絕始終不屈者又止公一人戊辰闞伏誅召公復故

官三遷至諭德持節冊德籓尋掌留都翰林院相國
韓公再入相罷去烏程嘉善又相繼秉政嘉善公舉

主也與韓公素重公公念英主中興用兵轉餉餉日
亟一語確盜日滋上書政府期寬民力烏程嫌其戇尋掌國

學祭酒循高祖律約諸生日宿長干紅樓笑曰魏闞
惡公正當未幾陟宮詹修玉牒欲乞骸骨不果官南

雍時御史撻諸生公將上奏會去任勸止公其後御
史巡齋諸生聚而噪之污其繡衣猶疑公指使搆公

於朝當軸者惡嘉善并勒公歸公曰老臣得首丘何
異登仙微相國愛我不及此徜徉湖山著述自娛又

二年而卒有超凡居士集十卷

林瑀曰公始居清源時年飢市民禁鬻麴牙僧犯者

歲寒堂初集 卷三 十一
死○一○僧○鄰○公○居○日○鬻○麪○市○民○欲○斃○僧○旋○復○語○曰○人○衆○
恐○驚○胡○公○乃○止○公○移○家○西○陵○值○民○變○更○憶○舊○仇○欲○執○
僧○僧○入○巨○甕○中○衆○碎○甕○斃○之○日○前○胡○公○生○汝○耳○若○何○
處○更○覓○胡○公○其○爲○人○愛○敬○若○此○然○公○不○近○名○始○終○孤○
立○需○次○待○枚○卜○擠○而○逐○之○閉○賢○者○豈○必○盡○闕○人○哉○其○
子○乾○負○才○名○貧○甚○賣○卜○以○老○有○別○傳

陳其年曰此老倔强處亦復嫵媚當時倚冰山者

安在

丁葯園曰少時見胡公狀貌中庸人耳大節弗踰

如此真和而介者

司理溫公傳

溫公名以介號寶忠相國體仁之族弟也丙子舉於

鄉更名璜成癸未進士官歙州法曹老矣公幼孤自

襁褓至壯皆稟母教母著家訓數十篇比顏柳母死

私諡曰節孝太君凡歲時伏臘或災祥水旱為文告

母歲辛巳大稜斗米值金一銀古甚羞糟覈為炬救恐母

驚九原又為文告母公館于相國最久閉戶讀易語

執經者曰聖人且韋編三絕矣研精覃思作易學總

論及義卦圖說行藏用舍悉本于易相國在經筵每

進請必先諮公。公平臺召對，多稱旨。公曰：主上英明，思撥亂行相兄矣。頃者加意江陵，卹典兄知之乎？主上察如神考，而廷臣猜忌如江陵時，較甚。公為剖晰易理，倚伏消長之幾，古相臣之事，惟乾三四爻可當之。餘卦皆季世君臣事耳。三四兩繇不出危疑二字，而疑甚于危。兄盍預籌諸未幾果爰立，與雲間義興嘉善吳門相終始。中間互為是非，互相激排。凡八年，公告相國毋隘毋疑，相國雖未必盡從，公公還里相國猶問訊不絕。心重公卓識，云公凡三上春官，始第明。

年帝崩于煤山，公痛哭北向拜曰：小臣璜大行皇帝所齋禱而登也，不能執干戈衛社稷，使吾君蒙於難，生不如死。已而拜歎州法曹稱畿輔重地，頗聞建康事，嘆息泣下曰：已矣，繕甲兵為城守計，猶讀易自如。大兵雲集，力不支。公集家人告之曰：吾老矣，幸生二子，吾將從節孝地下，命蒼頭抱持去，庶幾續先人祀。城破，公拔劍殺其婦及妾，更揮劍自刎，喉未斷，吏卒哀之，傳以藥。公怒，手爬搔去之，創甚，七日而死。林璠曰：高麗寺僧止水云：公死時年六十餘矣。平居

寬厚貌如長者。未嘗有疾言遽色。死時勇決如此。公
同年生關公。鍵為余言。公與相國最友于。如同懷兄
弟。然始終無幾微攀緣意。年老服官。稟慈訓不少衰。
嗚呼。求忠臣者必於孝子之門哉。公二子郊瑞。祁瑞。
哀父遺集十二卷藏于家。

嚴修人曰。公一生忠孝。皆本于易。于秋毅。臯同此
不朽。

孫述庵曰。余猶及見公。丰采讀斯傳。猶想見其人。

凜凜如生。

大行陸鯤庭先生傳

公姓陸氏。名培。字鯤庭。號曰部婁公。死國時年最少。

學者習公字久。又不敢私謚公。當易名。至今猶稱曰。

鯤庭先生。陸為江左著姓。語曰。朱文張武。陸忠顧厚。

言陸氏世世忠貞也。公始祖彥端公。自汴州扈蹕而

南。十三傳至公父吉水公。俱為錢唐人。公同產兄弟。

六。伯曰圻。叔曰堦。與公先有聲。公兒時。卽尚氣決意。

或。小忤輒流涕。誓死母喪。及大母。絕憐愛之。既長。兄。

弟名益。著與婁東雲間。倡道東南。陳黃門大樽嘗曰。

某與陸氏交如孔融在紀羣間矣蓋吉水公與西銘

張先生與起易學先後借諸翁舉孝廉名震京師黃

相國道周語座客曰此錢唐三陸也而吉水公曾識

黃門於童子故其言若此公十六補博士弟子十七

娶婦陳十八吉水公方釋褐授永豐令豐多逋賦吉

水公伏闕上書請蠲租然後到官公大母樂里居吉

水公欲留公侍養諸父強之行曰豫章多才可求友

既抵境豐父兄扶老携幼擁吉水公車輪拜曰君侯

未履任即能見天子活黔首吾屬生矣公在後車情

手曰長民者不當師是耶讀書官署與友人陸君驤

武同臥起漏數箭兄弟以書下酒或轟飲暢辯聲徹

垣外擊柝者遲鈴聲繞垣驚聽及父遷吉水亦然歲

已卯公年二十二歸赴省試舉于鄉柴桑文司勳德

翼奇公文衛學士胤文嫌近縱橫習觀表論嘆曰董

買不及也迨老儒耳撒棘知為少年益重公公歸拜

大母堂下喜曰汝父汝叔歌鹿鳴如昨日吾年垂八

十猶見孫成名國恩厚勉之毋忘忠孝明年公成進

士大母卒吉水公徒跣奔喪公亦需次為郎旋里吉

水公方痛不及見母。又悲母不獲見孫父子。哭之慟。又明年辛巳。吉水公爲母乞銘。歿於南徐。公日行數百里。跪柩前。呼號動地。手自搏其頰。頰盡腫。更以齒齧臂。血肉淋漓。與淚俱下。左右莫能仰視。嗚呼孝矣。公平居杜門讀書。與同郡名士摩切爲古文辭。互相推詡。曰。王李不死。邊徐復生。老生宿儒。咋舌不解。何語。以示陳黃門。黃門頰首曰。君文高潔。正不減龍門耳。公交遍海內。而好引掖後進。執經北面。比之攀龍鱗。附鳳翼矣。卽負才未登公門者。一郡中耻與爲友。

公才高蚤達。慨然以名教爲己任。嘗冠峩冠。冠紗覆肩。背廣額豐。頤踞胡床。端坐丰稜。峻整顧盼。偉如也。客至投轄。出奇文欣賞。千鍾百觚。意氣豪邁。然性好面折人過。議論風生。更無所屈撓。邪慝者見公。輒屏氣。躡足逡巡。避去。御史中丞潛夫陳公。偶忤于俗。公移書疾之。同年生姚公。奇胤勸止。公公弗善也。遊雲間。某生妾欲奔公。公移舟避之。戒勿泄。浮大白。自笑曰。百鍊鋼。肯爲兒女子柔哉。嘗與陸君驥武客秣陵。弔方正學墓。及徐常功臣廟。歛戲久之。客贈陸君弓。

矢陸方賦詩公愀然曰神州坐視陸沉其鹿鹿無所
 樹立以君之才當上馬殺賊下馬草露布差快人意
 坐逆旅日讀史酣飲經月一夜覺身漸短奇人奇事可三四寸
 良久方能引長說者謂公勞神所致公雖憂時念亂
 暇必操觚是時虞山方家居負物望敷歷四朝爛于
 掌故公道過吳門虞山為作序出酒飲公曰陸君卿
 故慷慨稼軒瞿公亦以為然歲甲申公年二十七矣
 將詣選人聞逆闖犯關北向長號思攀龍髯其婦陳
 亟止之曰君素稱讀史不聞晉宋間事乎猶有待又

數月公至建康始拜行人未幾四樓船將軍各箚制
 爵五等貴陽皖城鉤黨鬻爵度曲宜洛慕玉樹後庭
 花則而傲之委瓊花于草莽本實先撥焉貴陽欲招
 致公公怒句晉其私人曰獬獠即邀陸生一見須烏
 頭白耳十月副熊黃門汝霖持節祭淮藩熊負直諫
 聲與公談時事益扼腕事竣先歸又明年乙酉亂兵
 潰江上公兄弟奉母居鹽官公命其子繁紹從省會
 囂然公遂避入黃山之桐塢經友人陳君廷會居握
 手流涕曰行將別君陳君欲止公公大聲曰即死無

益國家聊以塞責。吾不待餉豬客矣。適貴陽奔錢唐。擁殘兵自衛。公曰：棄其主而逃亂，臣賊子也。吾得請於帝出斗酒，大酺誓從思陵地下。婦勅左右守公。公笑謂婦如吾亦猶婦人耳。卿識大義否？母多談詭。復嘆曰：死豈可復生乎？吾母春秋高，當避桃源抱犢耕矣。闔戶自經，為客救免。又一夕晨起，呼紙筆冠帶北向叩頭者五，南向叩頭者三，以襪繩授二僕，再拜笑語之曰：若屬知乃公意，可便相成。遂上大床坐，從容就縊。而卒。凡上書三函，一奉母，一遺兄弟，一別故友。

計公成進士，凡六年，年僅二十有八而死。婦誓死從公，自樓墜地，若有神持之者，又餓經旬不死。始喪語曰：是天欲生汝也。違天不祥，乃不死。公死未逾年，陳黃門就縛，復奮身沉淵死。御史中丞陳公笑携妻妾赴激湍死。遷客自海南來云：姚公奇胤自刎其頭死矣。嗚呼！如三人者可稱公死友。然同郡王別駕道焜聞公死亦死。又數年，稼軒瞿公斷脛於粵，死同與虞山序公集云。

林璐曰：公母初娠時，夢神送一兒，羽葆鼓吹，從雲際

直墮入懷始生公。公少時。丰神英毅。博學擅江左。公文成。四方目之曰。西陵體。及登賢書于太傅。忠肅入○不○說○出○夢○中○夢與語。語甚秘。世莫有能解之者。沈君鼎新。暴卒而甦。見公與某某。方副冥司。如王新建故事。嗚呼。忠孝人極也。惟不愧乎人斯。乃可以為神。烏足怪。余故傳之。以備修史者採擇焉。

關六鈐曰。犬行死矣。筆能生之。寫得激昂。震動可以感風雷泣鬼神矣

孫宇台曰。于密處寓疎。忽于疎處寓密。用筆奇而

法是子長得意文字。陸公大節。須如此發行。方見手眼。

婺州金隱君傳

金隱君名光字公絢義烏人也少好學凡天文地理
 奇門遁甲曆律醫卜等書靡不畢究性好遊居家嘆
 曰丈夫固跼踖戶庭耶明熹宗時毛帥鎮東江金君
 附商賈舟至其地縱觀海外形勝大喜無何政府惑
 處士策授謀殺毛帥帥麾下枕戈泣又數見疑斬餉
 麾下舊部憤曰大將軍死古○今○同○嘆一書生手吾屬安向遂掠
 定長山五島率兵民萬餘航海歸朝而金君始罹羅
 矣時崇禎甲戌七年即年○譜大清天聰八年也南望輒

淚下南人爲將領者客金君時諸道統帥智順王者
 求操觚客卒不得智順王廉知之召金君智順王者
 平南王始封爵也金君佯爲許諾典書記惡西僧多
 雜處弗與語乘間逸去國法嚴笞之百又逃縛而大
 創之創愈又逃三〇次督捕者請于朝將斬之坐金君燾下
 帳下爭以酒肉進金君醕酒啖肉大笑曰真豪傑速殺我吾
 生不能歸竟歸矣智順王大驚馳馬至若非金某君
 悞矣別以他囚殉舍人子流涕謂金君曰王愛公奈
 何負王汝髮已髡又奚歸金君悟入謝王曰光南人

義不污塞北重以王故請事王王大悅凡十年王倚
 之如作一〇小〇結左右手然南望必淚下喜登高山觀日曛曛升
 則大喜或悲哀雪涕以頭頰地人不測其故一日又
 出遊西僧躡其後稍選騎相並望其山形盡白山腰
 懸紅燈二山忽動跡之乃巨鱗也奇〇事〇閒〇波〇寫〇得〇生〇動金君驚將返轡西
 僧曰慎無恐吾命之退馬上嗚嗚作梵語鱗如疾風
 駛去金君歸語人曰吾向惡若曹繼自今毋輕相天
 下士順治元年甲申王從攝政王及恭順王懷順王
 入山海關會平西伯兵大破賊李自成走之遂入京

金君與俱入關時策馬嘆息泣下曰吾曩日冀竟歸
今生歸矣未知較竟歸時奚若會章皇帝正位北

京更從王定太原克延安明年下九江左寧南全部

降品隲諸降將數與金聲垣語聲垣欲得金君王不

許其後聲垣敗王笑曰吾從其請汝敗矣金君亦笑

日聲垣不得好机鋒相對光故至于敗又明年取湖南王與諸王

會師咸重金君王入朝改封平南王王欲叙金君功

固辭已丑王始與靖南王取廣東攻南雄取韶州襲

清遠降從化始抵廣州運籌發策敵無不知有金君

者諸將欲屠城必勸王戒止之凡二年始克廣州又

二年定高廉雷瓊等州戰取疾徐咸受成算又明年

大破李定國于橫州王長子朝京師長子名某少與

章皇帝共騎射斃一虎上壯之呼為安大性豪邁

上命晉公爵而歸獨雅愛金君呼之曰馬髮蓋長老

稱也然金君亦自此憂勞况瘁矣叙平粵功當同三

品固辭不拜金君欲歸隱王卒不許王以其子尚郡

主三辭不允始成禮金君嘆曰王遇我厚失我初願

奈何吾航海北渡十有一年從陸入關當時不能退

今又幾何時言未已。泪下。金君慈祥愷悌。謀而善斷。鑿龍眼崗之屠。至議勦石門佛山。卒不許。聞鄰道誅殺某某。臥帳中泣曰。老革若此悖矣。往者粵西陷。失定南王。諸將皆坐法。線國安等東下。諸將謀拒之。金君曰。是予敵也。急書榜宥之。再請於朝。未為晚。其後粵西定。粵東亦安。潰將感泣。金君功益著。即負固如文村踰十有一年。而卒降。文村者故明虎賁將軍王興所踞地也。處萬山中。左峭壁。右大海。陽為順而實不臣。羊腸鳥道。刺竹叢雜。即步兵短刀。卒不得入。思

持久困之一日。興遣卒嫚罵曰。若陳兵百萬。奚益汝軍中。金先生自來。吾降矣。守陴者以告。明日復嫚罵如故。金君聞之。慨然請行。王及旗帥督撫大吏驚曰。蠻無信。奈何失金君。金君揖列座曰。光應去。令一騎釋甲前導。傳呼曰。金先生來。村口卒馳告興。興曰。偽耳。令素間諜者占之急奔告曰。果金先生與命。興以入徑數里。甲兵糗芟山積。興出迎。問曰。君護騎幾何。金君曰。一騎。興曰。君何信我。金君拱手曰。汝先信吾。吾安敢不信。若登堂罄折如客禮。王將軍從容言。吾

祖宗受約束為藩籬外其語不忍讀竟如哀弦急奏臣於今二百八十餘年矣曩

者藉兵雪故主仇感泣至再雖然興豈為降將軍耶

語未竟忽一人奇啓扉突出則故明侍郎前兩浙督學

臣王公應華也與金君有舊相持拜跪哽咽卒不能

語王將軍設席呼二人曰且飲一飲凡三日王將軍

把杯嘆曰君來興宜踐前諾命五子出拜指金君曰

汝曹善事汝父更酌金君酒眦目壯哉男子寫得生撚鬚降席請曰興

死矣興毅動鬼不死藉汝大書塚前大明虎賁將軍王

興之墓願足矣金君瞠目錯愕應曰諾王將軍召妻

妾登層樓自亦死得奇葬連珠砲轟然雷震而歿越三日金君

携其五子出納勅印土田冊籍降者次第一旬該括出金君曰

興獨焚亦忠臣也吾不負死者勸王請于朝恤其五

子如其言以褒之蠻裔感泣無敢有復叛者而金君

名益著金君佐王幕始終不受官然金君隱軍中幾

五十年王欲官其子弟卒不許登粵王臺凌風長嘯

謂吾曩時濱海觀日出今又濱海數數觀日出吾不得

跳測其故天門依日月足矣臨死嘆息曰吾少時幾死而不

畏死今老矣願遲須臾死顧齷齪以死隱忍五十年

竟死矣。金君未死時，澹歸大師爲君作留須子傳。林瑤曰：金君隱者也。卒不仕。吾聞金君識星緯，始娶婦，婦亦識星緯。兩人嘗私語，弗告人。其弟輝生，數爲余道往事，輒流涕。前二年，省兄歸，臨發，問何之，曰：弟將隱。先生仰視笑曰：此豈安枕時耶？輝生再問，卒不語。裂畫像授其弟，兼以網衣一，贈之，曰：吾五十年鬚眉尚在，汝寫吾像，立吳山，望大江，觀日出，汝知兄母相忘。金君歿而澹歸子又爲題像以貽其嗣。君澹歸原名金堡，武林人。

毛稚黃曰：或斷或續，峯巒疊起，步步有含蓄照應，絕似史遷扶風，未易及也。

沈開先曰：極驚人處以平常寫之，極忙處以閒暇出之，近時王軫石侯朝宗當退避三舍。

沈隱君傳

沈隱君名某錢唐人也其父字曰顯之少時即白父
 曰大人欲以文章顯耶吾坐塾中師之友皆儒生語
 絮絮入吾耳慧人大約無餬口策讀書止吾兄足矣父怒
 趣入塾日與其儕學為詩歌藏酒私飲友飯以木棍
 攪溷廁中亂其氣友飯反吐匿笑不止顧好飲讀貨
 殖傳欣然喜私為引滿及讀任俠諸列傳則又狂喜
善謹
處不凡
 引滿曰吾儕不當如是耶師知之數加誚責乃提酒
 甕出曰吾縱讀書寧為高陽生却有氣樂誼不辱為儒生應父師

無如之何。當勝國時。江南晏安。湖上桃花如雲錦。公日聚飲花下。夜不歸。一二貴家子弟。吹簫走馬。公遊湖上。與益豪。垂父歿。其兄誚曰。汝為兒時。藏菓餌。以遺母。母老矣。吾儒生應前無餽口策。君竟何如。公父嘗客晉絳。賈父歿。將改館。一日貸錢。召估客飲。且曰。吾棄儒生久矣。與若司會計。估客曰。諾。歲出納數十萬金。賣絹牙郎。奉約束。惟謹。歲歲上千金。壽日與估客必至之勢。羶飲醉後。與客搏。數數負。而又好施。予估客驕。歲減金而公飲自如。其子峻。曾幼而慧。好讀書。公愀然。

曰。汝伯讀書。汝又讀書。耶。然尊師惟謹。來問字者。皆過公飯。人稱公長者。兄歿。撫其孤。亦就塾。笑曰。汝父讀書。汝從兄。又讀書。汝又讀書。耶。留汝以佐吾不逮。公止一子。孺人為買妾。公淚簌簌下。曰。若不舍蓄記吾父時。媵耶。吾念吾母往日事。故泣耳。妾已入室。度無可如何。久之。廉知被掠至。召其故夫還之。并贖以金。孺人操作勞。更買婢。婢父母啼不止。急以金納。婢父母懷疾。呼携女去。一時賓客多。公高義。公大笑曰。曩者吾讀史。遷列又應傳生不一。當魯朱家。而僅以一二女子。

市德為歲甲午。其子以副車赴廷對。公又大笑曰。讀又應書固也。搏浪沙。豈堪誤耶。無與乃公事。益飲酒自如。戶外待公舉火者。踵相接。金盡。貸估客金。估客益驕。公益飲酒得疾。其子求斷酒。公曰。昔陳暄何若。他日高踪如在卽書酒徒沈君之墓。以匹之。吾願足矣。毋多言。久之卒以酒終。

林璠曰。吾與嗣君峻曾遊。傳公大節。多非常侷儻。公不喜儒生。峻曾交日。廣公之庭。多儒生迹。至則輒飲以酒。歲時修祭祀。念母必泣下。公嫡出。側生兄補前主家客。細事耳。烏足為公重哉。

韓儀京曰。沉鬱頓挫。亦復委曲纏綿。寫得人性情出。

顧嚮中曰。純得史公之潔。

丁太公傳

丁太公名大綬字曰步玉仁和人也世家鹽橋西與

林生鄰望衡聯宇晨炊樵汲蚤暮皆知之公嘗過市

門余從籬下窺公葛巾藤杖藹如也吾父嘗指公與

予言汝日習見公亦悉公生平乎吾與爾言○直○貫○至○末○公五歲

喪母父娶後母新婦紗扇籠頭里媪指曰是汝母也

公啼于戶母愛之呼與同寢母生弟當就塾時憐弟

幼掖之行雨則偏其蓋覆弟父歿自傷少孤奉其母

如父既壯季能文公自謂不如○天○性○孝○友○果先公補博士弟子

公棄書挾計然策養母及弟婦死遺簪珥先為弟娶婦始再娶其季益下帷攻苦承兄意而又先生子公喜語季曰母得含節弄孫矣公後季三歲又生男一堂兩世兄弟相樂也嗣此各再得雄吾家羣從與公弟同學數賀兩公羊酒而季卒以誦讀勞病矣公衣不解帶視湯藥疾益亟目視兩兒至再公呼季大慟曰汝襁褓至生子未嘗與兄一日離也今已矣汝子即吾子敢負弟九京呼四子前長曰景儀次曰澎次曰景鴻又次日滌鴈序參差猶一父子也學同塾食

正叙四君

同器寢同被衣裳履烏共之負郭田析為四授室先

真天倫之樂

于已子嗚呼友于雍睦與沛國涑水爭烈矣公痛弟

贊只一句

歿命四子力學通賓客親四方賢豪長者用不給公

婦顧命蒼頭上市買遷有無以供飲饌公笑曰汝愛

兒寧出陶母下久之五都市買遷雲集家益饒戶外

伏

鳴琴蹴鞠吹簫乞食之徒獻技乞錢與布算聲相聞

公母聞而樂之欲往觀公奉板輿入市屢景儀輒從

好点樂

樂而忘返時屈上元吾家猶襲仕宦舊魚龍百戲雜

陳于門兩家婦女倚戶遙相語吾母春秋高興公母

恍如昨日事

又牽連得妙

送為賓主觀燈宴飲輒話少年時事公聞益喜壬午

澎舉於鄉公奉母觀鹿鳴孫簪花馬上喜溢老人顏

色癸未值公誕辰四方詩文贈公者列堂中拜手誦

之及見大司徒倪文正公御史大夫彥臺劉公婁東

受先張公文驚曰是清流鉅公耶乃寵及我公口不

言財貸子錢凡百數嘗宿逆旅客竊公金公見之急

避去暮過懿戚門一人挾匕首立廡下似貸錢不獲

者公密召語曰若以錢故輕生耶且緩急人所時有

也我代為酬若其陰行善類若此戊子鴻舉於鄉公

奉觴上壽母前曰周密可以報吾弟矣又七年澎成進士

郎比部臆封比大夫每蜡臘召故時貧賤交與飲更

從父老作上已遊今老矣結猶健步履矍鑠哉老翁鳴

呼記吾父語予時歲在丁酉公以是秋歿越五年吾

父又歿余懼老成凋謝典型不再謹述其本末而為

之傳

林璐曰吾少時過太公每與諸君同飯愛少子滌不

令出藏帷中如新婦其兄儀嘗笑之吳君百朋里中

名士也公延館與澎同學命鴻師之明年澎與吳君

同舉鴻最後舉知人哉然滌卒以詩名與兩兄峙稱

三丁云

方文虎曰猶想見先輩典型

張祖望曰是一幅天倫圖畫牽連照應極有波折

節壽顧母傳

吾郡有節壽顧母曰王氏肅皇帝十有二年癸巳母

始生烈皇帝三年庚午母以壽終歷六君凡九十有

七年晚稱女中人瑞及其歿也人爭嘆曰天胡靳三

齡而不滿母百歲耶朕飲冰茹蘖者七十有八年自

十九齡始母年十六歸顧文秀為繼室顧自稽山徙

杭為諸生不治生產元配生男而死娶母三歲生男

及女文秀歿母欲徇親戚故人勸止之曰夫死不死

在兩孤爾即從夫地下爾子死并負前子母泣告几

筵日昔人有心死而身存者。追謂我矣。嗚呼。十九稱

○酸。與。語。婆婦可哀也。前子長大。取遺橐簪珥付之。曰。汝祖效

計。朕便可光先烈。未亡人十指中。鞠汝弟足矣。母已

子。日。時英奉母讀書。菓園一頃。供饘粥。時時望伯兄

歸。道出吳淞。死于盜。母痛哭。携已子。訴于官。捕其渠

魁。斬之。朕金盡。失時英餼于庠。與其子大成。讀書僧

舍。一日顧影自嘆。曰。吾儕讀書。異旦暮。飛騰去。今老

矣。其若高堂何。乃命大成兼習計朕家。復饒朕時英

竟。先母歿。是時母蓋八十有三。云大成奉大母橋西

屋。與妻傅盡色養。歲庚午。夢天樂迎而卒。數年大成

入成均。中原多盜。上書言時事。同鄉倪文正公薦于

朝。官西清。甲申三月。逆闖陷京師。加刑于公。乘間逃

歸家。又落杜門。教子孫戒之。曰。立事益不可知。先節

壽垂澤長矣。當努力詩書。以承吾志。大成有子曰光

前。名俊。王母歿二十年。戊子。名俊舉于鄉。俊之子曰

有年。能文章。遊成均。又三十年。戊午。光前之子永年

又舉于鄉。人以為母德云。明熹宗時。母年九十。縣令

詣門。壽母請于上。旌其廬。母真不愧哉。母有女適鄭

說得可憐。

心。死。二。字。妙。

句。有。眼。

遙。應。起。處。

結。穴。

補。女。妙。

壽○至○九○十○有○四○母○女○期○願○奇○矣○鄭○生○女○適○沈○亦○壽○至○
八○十○餘○沈○有○孫○曰○驥○曰○國○元○與○余○善○故○牽○連○得○書○

關○查○度○曰○一○起○便○如○高○屋○建○瓴○隨○筆○寫○來○章○法○入

古

鄧○廷○玠○曰○老○筆○行○文○絕○無○枝○葉○可○比○龍○門○之○桐

佷亭大師傳

古○高○蹈○之○士○所○在○恒○有○顧○避○世○絕○俗○甚○至○變○姓○名○謝

友○朋○人○或○踪○跡○之○輒○逃○去○若○是○雖○高○蹈○不○樂○也○申○西

間○吾○鄉○諸○儒○忽○慕○棲○逸○去○而○學○醫○學○賈○學○卜○學○樵○漁

任○誕○者○閉○門○傳○粉○墨○或○屠○沽○握○籌○亂○頭○麤○服○行○市○中

余○時○年○少○竊○笑○之○爾○來○三○十○有○五○年○矣○每○憶○當○日○學

醫○學○又○復○一○筆樵○漁○及○傳○粉○墨○屠○沽○為○樂○未○聞○有○為

僧○者○于○今○追○憶○若○佷○亭○倘○所○謂○逃○禪○是○耶○非○耶○林○子

曰○佷○亭○當○爾○時○賈○也○踰○十○年○不○告○于○妻○子○不○謀○于○友

朋忽秃為僧。嗚呼西陵當全盛時。人文蔚起。偃亭與其儕數十輩。聲動天下。海內之士攀鱗附翼。蒿目時艱。方以為一朝崛起。戮力中原。毋使後人再泣新亭也。何旨隨緣幻影到處。鐘聲即雖狀古之達人。如陶潛李白王維。希應物之徒。其寄懷高致。淡足之趣。超然無累。似與禪近。而不泥於禪。偃亭曰。否。吾向者鬻穀市肆。與傭販同。掾作門人。泥余猶儒也。過而問易。余倚市門口。授之。今者卿乃泥吾為僧。庸詎知非醫耶。買耶。下耶。樵漁耶。粉墨屠沽耶。安問儒耶。禪耶。狀

又作一新

就偃亭口中翻出層

金道隱堡夢破江道是

陸麗是也吾嘗過

則前此有逃禪者乎。日有之。澹歸金道隱堡夢破江道是也。後此有逃禪者乎。日有之。誰菴陸麗是也。吾嘗過山巔水湄。見有僧枯坐于荒烟野蔓之中。負衲于天。霜寒雨之候。棲棲皇皇。輒心疑之。身為僧矣。何不自暇逸。便如逐臣。遷客。娶婦。孤兒。若欲問天而無從者。此何以稱焉。之數人者。或遲或速。或遠或近。或歸或不歸。或歡愉。或况瘁。其寄意各不同。而逃禪則一也。作偃亭大師傳。師姓徐氏。原名繼恩。字世臣。

警得奇

孫宇台曰。絕不着色相。有意無意。言外自見。可比

史公伯裔傳

丁菽園曰陸士衡讀楚詞曰滔滔清絕作者讀者各有會心此種文吾以蒙莊目之

草薦先生傳

草薦先生不知其名字氏族始居豐樂橋南又徙而之鐵冶嶺經歲不出戶一夕偕客訪其居童子曰方臥薦上未敢通日移晷徑披其帷聞其無人已而床上有聲馨欬覓唾壺狀始盤旋下床立帳啓露薦語

曰天寒甚客從何方來先生裹氊憤加以布帽帽束

幌望之頭上長二尺許坐語移時呼童子進酒衣厚

如重鎧袖臃腫手不得卒把杯三人擁爐坐望其狀

薦高于几迫而數之計二十八簾夫床高五尺耳受

○領○薦○字○起○

○又○帶○薦○

○虎○頭○画○不○出○奇○人○模○樣

○引○喻○妙○極

○妙

○妙

薦二十八簾。簾以寸計，高一尺八寸，受臥止二尺餘。

扳而上如登山，偃而下如墜谷，勞矣無何先生醉。又

上薦臥案上，詩文高與薦等，與客竊而讀之，似不從

人間來。客大笑曰：昔司馬子長好遊，故其文日益奇。

乃公跼躄戶庭，固以薦上得之者。即先生踞薦不得

坐，忽下床曰：客惡知我。吾束髮以還，冬月御夾衣，客

至嘗剗薦以飼馬。客去，徑上床臥。又數好遊，醉叩舷

歌，或墮水，濕衣冰淅淅，衣上不知寒。而日與名公卿

賢豪長者相把臂。先生昔遊雲間，識彝仲夏先生及

令子存古遊。越師事念臺劉先生，與李官大樽陳先

生又識世培祁先生。文學王懸趾先生，吳門則交葉

君聖野、雪苑，則交侯君仲衡、毘陵，則憚君遜庵、豫章。

則王君軫石于浮屠氏，乃與南屏豁公久遊。先生又

曰：嗚呼！自吾遊至今三十餘年矣。今其人皆已逝。故

鄉好友自陸大行鯤庭殉國死，諸君子三十年間，或

出或處，意趣各殊。然南皮北海分曹賦詩，歲歲修禊

事以爲娛樂。迄於今，有蟬脫軒冕者，有山林終者，有

自髡頂爲僧者，有小草坐寒羶者，有起以大慰蒼生

者○有○墓○木○已○拱○久○者○有○餽○口○四○方○金○盡○裘○敝○者○有○樵○
 悴○且○行○吟○者○吾○老○矣○猶○得○臥○薦○上○迨○季○秋○輒○益○薦○吾○
 不○意○竟○益○至○二○十○八○簾○也○汝○慎○無○言○吾○又○將○臥○于○是○
 里○中○人○咸○呼○曰○草○薦○先○生○云○或○曰○先○生○毛○氏○名○先○舒○
 字○稚○黃○古○錢○唐○人○

施愚山曰稚黃高踪雅致宛然神似

吳志伊曰穿插映帶直逼史遷

卜者胡生傳

卜者胡生名守乾字消清新安人也寓臨清遂為臨
 清人徙杭又為杭人淹博洽聞口期期不能卒吐一
 足短數寸而又鬚繞面面是○一○異○人○相○鰲甚目光瞬瞬動跛行市
 中兒童聚而笑之胡生故貴公子父名尚英字瑤字
 神宗末舉進士官翰苑與同門生金公伏之俊相友善
 熹宗時魏璫用事數殺戮諫臣公卿爭為乾兒義子
 隸門下公曰吾老矣妙○語○解○頤尚無子安能又為人兒璫怒削
 藉歸居臨清禱于神夢道士入室生胡生公喜曰吾

削官宜有子。越二年思陵立。召公復故官。閱九年。陟
 宮詹學士。負枚卜望。而公卒。胡生年十餘歲矣。外家
 父杭人也。其母又携胡生居杭。閉戶讀父書。而顧喜
 道書。及長。費千金娶婦。婦携鏤金床。值百金。每寢輒
 有。羶帽老人。榻奇事新婦足形甚小。胡生驚語母。母易寢
 新婦床。老人榻足如故。恐為祟。亟鬻於市。胡生奉母
 孝。一不當伏。而受杖。杖畢。叩頭謝母。抱孫仍如故。久
 之。婦死。母命再娶。胡生娶小婦。而又道士來矣數學道士。上章
 拜表。法冠絳衣。鐘鼓劍印。藏積中。時時步令人絕倒罡朝三台。

北斗取父所遺妙人笏。執之。家人笑。不置。母怒。不予一錢。
 數數逐小婦。婦遂去。以故平居短褐不完。性能飲。無
 錢沽酒。食乾飯。或無鹽。鼓里中少年從胡生。受符籙。
 度為弟子學。朝斗。稍得錢。以自給。十餘年。益貧困。鐘
 鼓付質庫。弟子益厭之。皆不至。聞相國金公客湖隄。
 喜曰。吾父同門生也。往謁之。貸錢通刺。門者睨其狀。
 愕然曰。若豈貴公子耶。立岸上待報。相國家奴作吳
 語。曰。得非仙耶。忽。睨笑曰。似鍾進士。尪相國將出。從
 簾中望見命門者。謝曰。吾聞胡某無子。胡生怒而退。

癸丑火其屋。僦一椽奉母。無婢。胡生執爨。火屢燎鬚。髮長跪白阿母曰。前此逐小婦。誓不嫁。暱其所願得。阿母命召小婦。歸母。允其請。小婦歸。與新婦共操作。以奉母。○伏○胡生居恒鬱鬱不自得。每期期談往事。嘆曰。數也。吾父未達時。年長矣。歲貢赴廷試。同列三人。當得丞。謁吏部選人。○事○奇○人○奇○可○知○數○在○三人倚柱立。柱有鐵環。吾父戲以手入堂上。唱名環鎖指。卒不得脫。選人曰。已矣。二人得丞。去益無聊。再入京闈。試登賢書。明年射策甲科。官內翰。忤璫意。罷去。而卒。受知思陵。將入相矣。而遽卒。嗚呼。豈非數哉。豈非數哉。吾老矣。久習康節數。念無以餽口。乃白其母。賣卜于城東市。

林璐曰。吾始遇胡生。甚怪之。與之語。悶甚。而又喜。與語。博學冠諸儒。期期談古今。不倦。嗚呼。胡生父官三品。宜得官。父歿而無有。援拯之者。以道士自污。終焉賣卜。以成其高。倘所謂教士者。非耶。

張覺四日用筆。偏于閒處。着眼形容。點染覺胡生

寔在紙上

受業霍子厚。曰。傳中有畫。最瑣碎。事寫來。更似天

然奇妙

羅參軍外傳

參軍羅先生賢字倍千晚更號曰隨園華州孝悌鄉
 唐村里人也七世官郎署代有聞人為關中貴族之
 冠關中形勝甲天下王侯將相古崛興者指不勝屈
 獨李唐時華發端奇以南產郭令公沿至趙宋華以北生寇
 萊公華人士鬱鬱不得志者過二公墟墓間輒指路
 傍麒麟嘆息曰身都將相寧有種乎參軍策蹇驢一笑
 曰僕燕雀便○有○波○瀾不如鴻鵠願為將者舍華南願為相者舍
 華北僕居二華之間得稱詩人師空同對山願足矣

叅軍生六歲失恃。鞠於祖母。七歲侍客飲。客屬對曰。山頭玉井蓮。卽應聲曰。天上金盤露。婦翁妻以女。祖母撫其額喜曰。兒得婦矣。十歲善屬文。父奇之。授以令伯陳情表。每讀至臣無祖母無以至今日之句。未嘗不掩卷而泣。年二十喪父。家日益落。躬自負薪。與其妻操作以奉祖母。移居小華山麓。林木環翠。重崗在抱。嘆曰。吾得春夏讀書。秋冬射獵。足矣。囊空賒酒。酒酣泣數行下。賦詩滿篋。益自寫其塊壘。華州人能詩者咸相率遜羅君。年三十伏髯如此。此詩名滿海內。應

舉將入都。猶豫不忍去。祖母命之曰。自汝祖薄宦。食貧久。汝父汝伯無祿蚤世。吾幸有諸孫侍養。汝豈長貧賤者乎。至京師。少司空韓城高公與內翰富平朱公奇其才。交相延譽。名重公卿間。居燕授徒。凡九載。門人好門人官西清者日給叅軍醇酒。日母使先生渴而日以酒換。先生詩計甚善。又一年始叅台州軍事。台人無能詩者。叅軍詩成人亦不知。南州郭公曰。燧。豫章耆舊也。出守天台。偶以亢暘得雨。上郭公喜雨詩。公驚問曰。是叅軍羅君耶。詩不在北地下。叅軍聞之。歎

髯私喜曰曩者吾少時曾有是言妄語耳不意郭公
 謬許僕嗣是太守飲必名參軍應參軍詩名益著凡
 九載不得調先是至台之三年忽念祖母孝哉作孺子啼
 願解印綬歸太守留益力越五年祖母方百歲以壽
 終參軍以頭搶地泣曰異日無以見祖母於地下道
 遠官貧無裹糧策欲歸又不果辛亥佐臬幕參軍事
 如故官舍近郭西去西湖不數武笑語客吾家天台
 久奇與華嶽相似波折惜興公賦未盡直使滄父浪得名
 今又家西湖一望在目因賦詩曰官貧猶有湖山樂

參軍于湖山典復不淺
 典盡春衣問酒徒之句抱臬大吏聞而異之沃以酒

西陵沈君開先丁君素涵者詩人也日過參軍飲素

涵妙
 涵重聽賦詩畢即索酒客誦讓沈君曰髯參軍泄任

時夫人乘黃犢車子參軍騎馬馬羸欲仆一五尺童

隨其後短衣不完仕宦二十載官益貧君應丁君妙非聾瞽參

軍饑欲死而顧日飲為沈君笑曰似也吾固知之參

軍因沈君而盡與西陵詩人相把臂客至夫人親執

爨五尺童攜饌進酒抵西陵又九載不得調而益嘯

詠自如參軍嘗曰老而好學不減有德有言吾敬張君祖

望博聞強記不妄許可吾敬毛君稚黃雕龍繡虎與
 物無競吾敬丁君素涵閉戶著書朗有卓識吾敬李
 君東琪汪洋千頃能以度勝吾敬沈君開先情辭斐
 亘波瀾老成吾敬孫君宇台吾老矣得從諸子遊甚
 善以故浙東西無不知有髯參軍者參軍有子名姓
 年十四能文章有父風

陸梯霞曰忽斷忽接文氣首尾貫串無一懈筆

丁葑園曰寫出機趣滿紙神情躍然似從史遷滑

稽傳得來

丁葑園外傳

丁葑園先生名澎杭之仁和人也世奉天方教戒飲
 酒而葑園顧嗜酒飲至一石貌益恭言益謹人咸異
 之詩賦古文辭自少年未達時即名播江左其後仲
 弟景鴻季弟濬皆以詩名世目之曰三丁然香奩艷
 句四方閨秀尤喜誦葑園詩家有攬雲樓三丁讀書
 處也客乍登樓葑園伏案上疑晝寢迺而視之方觀
 書目去紙僅一寸驟昂首又不辨某某客嘲之曰卿
 去丁儀凡幾輩葑園戲持杖逐客客匿屏後誤逐其

形○容○短○視○如○畫○即○伏○後○一○段○

○雅○謔○

僕忽○接○葑○園○婦○奇○葑園婦聞之大笑一夕娶小婦葑園妙○在○複○說○短○逼視光麗出

與視○客賦定情詩夜半小婦滅燈臥醉擁鴛鴦被此○笑○何○如○薶澤

不如詰旦視之此○笑○何○如○夔下婢也知為婦所此○笑○何○如○給葑園又大笑

延陵大姓遣一姬姬能詩素誦葑園句誓曰主人令

吾應○自擇配願得如丁郎足矣陽羨吳叅軍與丁世講

也詭以葑園意請納姬姬許之丁有侍兒小字冬青

主謳善鼓琴主婦不悅將遣府吏納千金聘為婦里

媪知其詐不以告久之延陵姬登舟泣曰吾旦夕冀

事丁郎為幕府給入掖庭緣已矣方扣舷欲墮水冬

青忽至延陵姬道故冬青亦泣曰相○遇○奇○吾故主人翁相對

啼不止護騎以告葑園廢寢食者累月然葑園又○數得

孺子起○一○間○波○作○一○小○結○妾猶執望主婦賢家人多不直丁君葑園郎比

部署中白雲司即王李唱和所也日作詩與施大叅

愚山宋觀察荔裳嚴黃門灝亭輩稱燕臺七子詩名

滿京師吏人竊其牘文○心○閒○恣○有○如○許○逸○事○供○其○筆○換鴛鴦如○竈下養思染指不獲明

日墨○訟于庭葑園復賜吏人鴛鴦時葑園官京師猶守

天方應○前○教同舍郎故以猪肝又○形○短○視○一片置七箸吏人以告獲

免上方册立西宮念無嫺典禮者調入東省兼主

客主客。即古典屬國也。貢使至。必譯問主客為誰。廉
 知公能詩。以貉皮美玉賂吏人。吏人竊葑園詩。贖之。
 歸國。長安縉紳以為榮。晨入東省。侍郎李公奭棠從
 東出葑園。從中入。瞠目相視。侍郎遣騶卒問訊。葑園
 偕同官趨謝。侍郎笑曰。是君耶。吾知君短視。奚謝為。
 葑園退而笑曰。吾短視。與詩名等。謫居東。崎嶇三千
 里。郵亭驛壁。讀遷客詩。大喜。孺子妾亦喜曰。得非聞
 中朝賜環。詔耶。葑園曰。上聖明。賜我遊湯沐。邑
 出關。遷客皆才子。此行不患無友。久之。渡遼海。望長

白諸山。士人以魚為飯。糧盡餒而啼。孺子妾慰勞之。
 日。卿有友。必簞食迎。若葑園笑曰。恐如卿言。當先以
 酒療吾渴。至靖安。卜居東岡。躬自飯牛。與牧豎同臥
 起。然暇輒為詩。詩益溫厚。無遷謫態。國子藩公聞其
 名。欲枉見。葑園遲不往。一日。乘牛車入城。車上執周
 易。猝遇藩公。節低頭。讀易不及。避藩公歸。語陸子淵
 曰。吾今日得遇葑園先生矣。子淵問故。藩公曰。此間
 安有車。上讀書。傲然不顧。若此人者乎。必葑園無疑
 也。嗣此西園飛蓋。必延葑園飲酒賦詩。禮為上客。然

葑園初至時。亦困甚。塞上風刺人骨。秋雨雪。山川林木帶白玉妝。河冰合。常不得汲。樵蕪不至。五日爨無煙。取蘆粟韻甚小米和雪齧之。孺子妾輒生子。當爾時坐茅屋下。日照戶。如渥醇酒。畏風。句避日親火。日晡山鬼遙啼。飢廳穴語。忽聞扣門聲。翩然有喜童子從隙窺之。虎方以尾擊戶。葑園危坐自若。臘盡無錢。與遷客磨墨市上書春聯。兒童婦女爭以錢易書。後至者不得快快去。其任誕若此。居東凡五遷。家日貧。詩日富。登臨眺覽。供其筆墨。作歸斯軒記以寓意。友人林

璠聞之曰。卿歸矣。曩者邯鄲道上。呂仙祠。卽盧生授枕處也。仕宦過者疾馳去。以避不祥。卿典中州試。停車徐步入。道人方坐蒲團不起。卿異之。索筆題壁曰。向翁乞取還鄉夢。留待凌雲化鶴飛。之句得非詩識耶。貽書報葑園。惘然悟。又一年始歸。果如林生言。

帝六象曰。媿媿千餘言。讀者恐其易竟。葑園風流文采名滿海內。鹿庵寫生妙手。葑園亦當相視而笑。

陳際叔曰。筆墨別有興會得之。天授非人力也。葑

園不朽矣

沈長公傳

西陵沈長公曰堯觀金陵萬七公之苗裔也少博學

負雋才父好丹古○今○皆○有○此○癖○黍聚村道士蒸爐火長公憂之私白

母曰昔吾從祖萬三不○說○聚○室○益○備○恍○得○妙○公民謠至今能自無而之有也

大人若此迨自有而之無矣可若何母乃命其弟挾

長公走京師貿遷有無兼交四方賢豪一○結○長者十餘年

不得歸次公光謨者長公同母弟也為仇所路蹈不

測父倉猝憂憤卒長公徒跣歸襄大事得白弟冤狀

兄弟抱持哭長公以輕去其鄉為恨語宗族交遊曰

吾○嗣○此○杜○門○教○諸○兒○矣○次○公○任○俠○負○氣○不○事○生○產○久
 之○長○公○語○之○曰○舉○世○輕○貨○殖○信○乎○且○古○稱○素○封○非○虛
 語○也○居○必○環○堵○食○必○藜○藿○衣○必○曳○肘○聚○必○妻○孥○是○於
 陵○仲○子○之○行○也○昔○者○計○朕○之○策○七○而○少○伯○用○其○伍○燕
 京○亦○一○都○會○也○汝○尚○有○意○乎○次○公○曰○諾○會○兄○子○驥○負
 奇○好○遊○掖○與○俱看○他○段○落臨○發○別○兄○曰○吾○聞○君○子○富○以○行○其○德
 小○人○富○以○盡○其○力○昔○少○伯○三○致○千○金○悉○散○之○長○公○曰
 固○也○母是○長○公○一○生○大○節疏○骨○肉○母○輕○貧○交○否○則○封○君○奚○取○焉○次○公○再
 拜○曰○謹○受○教○長○公○家○居○次○子○國○元○與○兄○日○益○有○名○交

遊○遍○海○內○公○能○辨○人○賢○摅○貧○者○輒○厚○遺○之○族○有○兄○死
 而○遺○其○母○者○養○之○終○身○并○瘞○其○父○母○于○黃○山○且○曰○吾
 祖○遷○定○北○時○同○一○本○也○遊○燕○者○詣○門○問○訊○必○移○書○次
 公○母○使○旅○人○憂○不○給○客○南○旋○請○望○見○長○公○世○方○之○陳
 孟○公○王○彥○方○菴○如○矣○勝○國○末○縉○紳○薦○于○朝○亟○遞○歸○驥
 再○遊○京○師○或○勸○之○仕○笑○謂○客○吾○兄○弟○數○奇○姑○待○之○交
 遊○益○衆○不○減○父○叔○時○蓋○沈○氏○結○客○名○遍總○一○結天下○而○貧○交
 為○甚○及○歸○里○門○諸○名○士○畢○集○忽○挾○襪○笑○曰○昔○子○長○好
 遊○文○故○奇○余○遊○燕○趙○久○將○歷○中○原○泛○湖○湘○取○道○豫○章

朕○後○歸○吾○行○矣○買○舟○竟○去○其○曠○達○類○如○此○長○公○有○四
子○曰○驥○國○元○成○溶○國○驪○次○公○晚○舉○子○名○調○元○比○馬○氏
五○常○云

林○璐○曰○吾○聞○諸○長○老○沈○氏○遷○錢○唐○定○北○鄉○自○有○明○洪
武○始○往○者○定○北○歲○無○禾○長○公○出○米○數○百○斛○輸○縣○官○租○
里○人○尸○祝○之○其○他○掩○骨○埋○骼○朕○諾○緩○急○時○時○恒○有○太
史○公○曰○人○富○而○仁○義○附○焉○豈○謂○是○哉○余○讀○沈○氏○家○乘○
國○初○宋○文○憲○方○正○學○從○萬○七○公○遊○子○孫○猶○守○其○翰○墨○
輒○爲○之○低○徊○不○置○云

陸蓋思曰始終念貧交便與貨殖不同文鍊而腴
直逼馬遷

汪殿武曰斷續離合不見痕迹行文當得一潔字

陸母傳

北郭有賢母曰吳媪禹航陸進母也配始寧教授之

遇產二男伯曰進仲曰售側室生男雋六月死母乳

之勝如已子雋夜啼抱懷中達旦是人所難至壯嘗憐少子宗

黨作一○小○結以是稱曰賢進先二弟喜交遊類其祖父北郭多

名士能習古文辭進又遠出其上於是北郭人古○甚人遜

陸君四方車騎道經北郭必懷刺講陸君問曰聞此

間有四君可得見乎句○法四君者張隱士綱孫王聘君嗣

魏與陸君而三其一叙○四○文○法○又○變卽母館甥王暉云客至咸拜母

堂下教授君歿十餘年母髦矣客至則喜客或不至
 輒戒其子曰汝曹學荒於嬉客恥與友故迴車去不
 則銜長矜詡好上人乎吾雖老猶記汝祖汝父時蓋
 母初適陸與教授君先意承志事其舅舅名瓚號曰
 環溪才高倜儻喜通賓客華亭陳徵君繼儒為公傳
 更號閑閑桑者董文敏公年已八十矣親書傳以貽
 教授君輩風流曰卿父子孝友老人何靳乎教授君為諸生
 時負盛名及角巾投老益好客母佐之宣城施少叅
 閩章南州王明經猷定與其子進定交必登堂請曰

願見若翁古風味翁出脫粟對飯母曰是重客也奈何以惡
 艸進其後猷定歿母脫簪珥護其喪歸呼三子曰死
 生方見朋友耳四方名公卿益習知母賢母與教授
 君白首偕老年六十猶操作不減入門時嘗侍姑疾
 躬親婢役姑呼婢必曰新婦在此姑易簀舉手祝曰
 汝善事我願他日汝得婦亦如汝天所以報也又憐少
 子勤學至是始析箸告諸子婦吾事姑日短母過養
 增吾愧色教授君歿會葬者嘗千餘人母為動容雪
 涕仲後父七年死母年八十猶為孫綜理生產語人

日吾聽不聰。朕悉舊事。哀此兒猶小也。母生平寬厚。無諱語。月朔望。率子婦孫之婦及女孫。或已嫁女歸。寧者。集家廟告之曰。婦人處閨中。議酒食。固當朕。罔知禮介。婦想見賢母家法母耦家婦尊者。宜左。次者宜右。若者卑。宜拜若者尊。宜受一堂三世儼若朝典。其母儀家法如此。年八十五。以壽終。幼子雋。積學遊成。均與兄進。齊名。復應四君妙稱北郭二陸。

林璐曰。母澤之裕。后昆甚矣哉。婦人失德。多由於妒。如則各親其親。各子其子。人且習而安之矣。母有女。甥三歲失恃。翁有猶女孫。襁褓兼失。姑母告翁曰。甥女吾一本。猶女孫君一本。是之不恤。何殊道路。均養之。長為擇配。况已子乎。嗚呼。母習知大體。教三子成。令名不幸弱。一个朕其澤長矣。

張祖望曰。讀之爽爽。動聽絕不鋪張揚厲。而陸母之賢自見。昔王軫石云。三分着紙七分。虛吾今日得之鹿菴矣。

王丹麓曰。只從大處落筆。略點綴一二事。龍門高潔。遠勝扶風在此。

歲寒堂初集卷四

錢唐林璐鹿庵著

受業霍秉懿子美

甥 邵錫榮景桓

較

記

先大父詩記

世有賢子孫則祖宗傳身雖歿而誌其後一段語言表其文。章皆是也。先君子年十四而大父見背。輯其遺文。不多得。篋而藏之。及余就塾。先君子指大父翰墨而告之曰。吾生五歲。從汝祖宦于韶。道出曹溪。憇六祖僧

舍僧鳴鐘迎令君。吾年雖小猶能記憶。三年調官粵

西。復為令。又二年謝病歸。又三年而卒。遺文無多。汝

其識之。乙酉避兵。書多散失。然殘編斷簡猶有存者。

先君子歿十有三年。室燬于火。嗣此衣裳栝棧。先世

藏書無隻字矣。沈君雪堂出其王父壽言一册示余。

縉紳十人。不書爵里。其一為先王父。余再拜流涕跪

而讀之。詩一章。僅二十八字。不為卮辭。夸諛如此。嗚

呼。此卯辰以前神廟盛年時物也。余不肖無能守先

澤雪堂。守其高曾并高曾之所贈言。而與為永守身。

為子孫。僅從故家遺俗。識祖先於二十八字。此二十

八字當憐余昇余乃雪堂重其祖宗而不肯輕昇其

子孫。曰此爾祖。當日介余祖也。子孫賢不肖如此。歸

而告二子曰。汝弟好讀書。不幸天吾昔日語汝曹。汝

祖詩書一綫。在孫惟汝弟。在子惟吾。吾幸識一字。至

今始識汝曾王父之二十八字。在沈君所。汝弟歿汝

曹辨字如蝌蚪。吾即著書數百萬字。懸諸國門。汝曹

又安能識一字。是不肖之中。又有賢不肖焉。灑淚記

之以告後人。

毛雅黃曰有此記則勝於寶所傳多矣
邵戒庵曰集中絕大文字

二程先生祠堂記

浙蓋祠文公考亭云粵稽當日文公受學于延平李

侗佩之師羅從彥又從龜山楊先生遊而龜山則程

門高弟也因委遡源濂溪得二程而其道始大有源有委二程

得朱子而其學益傳後世學者並稱之曰程朱雖無

軒輊分寸語蓋實有後先也國家取士非程朱不錄而二程

先生又爲有宋諸儒之冠天下之士俎豆兩先生已

八百有餘歲而浙無崇祠甚非所以廣教化尊師淑

也闢地紫陽山麓鳩工庀材不日而成浙人士嘆曰

道學正傳其在斯乎。當歲歲祀先生矣。竊按兩先生。當有宋中葉時。父珣攝南安通守。與叅軍周茂叔相友善。始命二子從茂叔遊。講道東南。盡得濂溪師授。後明道先生登制科。主鄆縣簿。有惠政。再調主上元簿。神宗皇帝聞其名。召爲太子中允。權監察御史裏行。得召對言時政得失。宰相王安石方行新法。惡之。出爲節度判官。會修三經義。上語安石程顥宜執政。安石不答。元祐元年。伊川先生以布衣召對說書崇政殿。復召其兄爲宗正寺丞。以疾卒。而正叔方盡心。

講讀。知無不言。冬至百官表賀。公言神考喪未除。宜改賀爲慰。及除喪。又奏罷開樂置宴。上是之。欲用爲諫官。不果。越五年。欲與館職。又不果。改除秘閣西監。言者目爲黨。編管涪州。渡涪舟幾覆。而安坐自如。建中靖國。移峽州。權判西京國子監。言者誣以因姦黨。得官毀其所著書。遂遷居龍門之南。止四方學者杜門。以老嗚呼。兩先生立朝大節。自筮仕卽受知人主。不容于宰相猜忌。於同官嫚侮於縉紳。擠逐於族子朋友。一日不能安於朝。獨以其身續孔孟之正傳遞。

相祖述。至考亭。得以私淑。而窺其奧。而堯舜禹湯文武之道。益大彰于天下。後世今者。俎豆惟新。某不佞敬述其大端。壽諸石。以垂永永。

陸拒石曰。由朱出程。叙次兩先生事迹。囊括靡遺。

老筆紛披。絕無枝葉。

滑元辰曰。章法井井。一絲不紊。

渡鄱陽湖記

湖與江相接。而洪流巨浸。鎖江右之喉。如門庭然。瀾漫三百里。渡者曰。斗米鄱陽。石米鄱陽。舟聽命于風。往來者。渡湖出江。然後敢與風爭。嗚呼。湖之為靈。昭昭也。僕渡湖。凡三始。渡湖怯甚。日具掛帆行。陰雲四合。日晡。膠淺港。蘆竿萬箇。不得渡。夜靜無風。孤舟如太倉粟。夜半。鴈唳。南飛。嘹唳。凄人。迨曉。舟忽動。長年三老呼曰。風利。不吾泊也。疾行去。歸而告其客。曰。誰謂湖險。曾不崇朝。客笑而不答。踰月。又渡湖。喜甚。

宵征至午。迷失道。風乍起。水怪噴沫。助浪水擊船頭。

如搗鼉鼓。同舟估客。驚語長年三老。欲東宜東。欲西

宜西。今當何之。與江豚相狎耶。久之。望見康郎山。余

立船頭。遙指曰。此勝國破陳時。祀功臣處也。元末盜

起。布衣提三尺劍。逐鹿中原。羣雄角力。如湖波鼎沸。

當是時。友諒虎踞於前。士誠狼噬於後。而偽漢張甚。

康山之役。張定邊犯御舟。舟膠於沙。微韓成。幾不免。

卒之將士合圍者三。移軍湖口。乘風縱火。湖水盡赤。

丁普郎等戰死。首脫持戈植立。不仆旬有五日。又縱

火。博士方草破賊詩。張鐵冠大笑。賀曰。友諒死矣。議

者以為妄言。欲縛鐵冠水濱。降者奔告。友諒中流矢

貫睛及顛死。而漢卒亡。迄於今。湖波終不改也。余將

挹椒漿弔之。估客怒。句詈且笑。曰。豎儒吾舟迷道。汝

遙與木偶人語。而奚不問渡為久之。鄰舟導引。始達

于江。止南昌。凡五月。與客談渡湖狀。客曰。危矣。嗣此

不敢渡。及南歸。欲東避之。客曰。東亦湖也。將安避。不

得已。復渡湖。懼甚至湖口。待發。祀湖神。惟謹。日晡。將

止宿。忽鳴金呼曰。風到。連舟夜渡。新月皎潔。明星在

歲寒堂初集記

天猶憶是日為重九呼童子進酒報曰罄矣嗚呼故
 鄉好友聯轡登高而余揚舲文心閒恣涉水忍渴作清夜遊啼
 烏聲近客曰是大孤山也風迅不可登而余據船臥
 矣天曙達小孤渡湖止晝夜云余歸為之記

張用霖曰離奇錯綜文心亦似湖波變幻

甥邵景桓曰中幅弔古處聲情豪邁足散人懷

睢陽廟剪牲池記

戊午九月渡章江至吳城道出睢陽祠下舟子曰宜
 剪牲祀令公夫令公即唐張中丞巡也余從舟子請
 艤舟拜謁大者剝羊豕小者剪牲血于池無貴賤長
 幼再拜叩頭出余歸舟太息敘得生動公死守孤城遮蔽江淮
 大小七十餘戰過百萬日滋之師而卒盡瘁死敵生
 為忠烈歿為明神廟食湖口長主鄱陽以為生民福
 理固不誣余讀唐史悉公生平嘗展卷悲憤夜拍案
 酒卮盡碎微湖神當修祀惟謹世俗舟楫至鄱陽畏

甚咸曰。是令公之所轄也。祀不虔。不即渡。不爾。舟或

覆。以故。士宦伏商賈。羈人戍卒。操舟至者。半渡。惴惴懼。

渡。竟句。宛。然。在。月。又。冷。語。一。句。失張令公人情大抵皆然矣。僧人甃石為池。

剪牲者把鷄翼滴血。血凝如臙脂。夏月不腥穢。無蠅

蚋交訐。余見剪牲者。纍纍歸。惻然心動。奇其事。不敢

不從。眾獨怪公絕食時。羅雀掘鼠。至殺愛妾。饗士。意

氣百折不磨。歷今千有餘年。英魂毅魄。鼓三百里之

波濤。儼如睢陽。鏖戰何愛乎一雞。而令祭祀者作偏

始獲或曰。非是不血食矣。世俗尚非禮烹宰。又何靳乎。

一雞而不為令公上。千萬歲。鵬耶。雖然。公之孤忠大

節。商賈不知羈人戍卒。不知仕宦者。宜無不知生而

嬰城摧敵。死必福善。禍淫得請命于帝。所吾見巨舟

千艘。黃金白鏹。珠玉象犀。倘或寡人之妻。孤人之子。

捆載行。逆浪中。知非刳羊豕。剪丹鷄。以為神。必據我

也。慎之。是為記。

丁葑園曰。可與昌黎書中丞傳後參看。

汪幼闇曰。讀之。使人不寒而慄。

象記

國家大朝會。陳設鹵簿。馴象所。引象列門外。各以品秩分左右。百官入。鐘鳴鞭響。羣象鼻相交。無一人敢闌入者。朝散。各以先後歸。有罪。則宣勅杖之。伏而受杖。此其所從來遠矣。黔中人。昔爲余言。守土者。以期貢象。必入山告語之曰。朝廷詔汝備禁衛。將授官于汝。象俯首貼足。如許諾狀。象卽馴而行。無能捕捉也。思陵時。將貢象。先期語之。一象許諾。會明。不果進。皇朝定鼎。徵貢象。象數頭。諾而來前。一象呼之。不至。

遲○數○日○翩○然○來○又○奇○候○其○牝○蓋○山○中○偶○也○候○已○竟○去○守○土○又○奇○
 者○廉○知○其○期○又○當○來○乃○先○期○語○之○曰○今○天○子○神○聖○
 薄○海○內○外○知○天○命○有○歸○帶○甲○者○率○先○以○軍○降○守○土○者○
 次○第○以○城○降○汝○異○類○敢○抗○天○子○不○赴○耶○至○期○來○竟○大○
 復○去○守○土○者○異○之○設○大○砲○於○衢○語○之○曰○汝○愛○妻○數○數○
 來○汝○再○逸○去○當○死○砲○下○象○聞○之○徐○行○伏○砲○臺○下○若○待○
 以○舉○砲○者○嗚○呼○異○矣○夫○人○未○有○不○愛○其○妻○者○愛○妻○并○又○符○一○筆○
 愛○吾○身○誰○能○以○其○所○愛○易○其○所○至○愛○而○今○乃○見○之○于○
 一○象○嗚○呼○異○矣○聞○其○言○退○而○為○之○記○

孫宇台曰物之靈乃爾耶

受業周襄鳴曰非關嘲諷此象亦奇

江南丁藩伯還婦記

兩浙與江寧相接壤。浙民愚而直。江南民巧而僂。而

又溪刻駟詐。宦其土者。輿誦不易與。而獨賢藩伯丁

公云。吾友從吳門歸。飲余酒。酒酣談丁藩伯逸事。余

始聞而駭。既而疑。且信。既而怒。髮盡上指冠。既而喜。

既而感激如身。其事喜極而悲。既而大聲拍案稱快。

僮僕臥者皆驚起。友為余言前數年一裨帥從某地

戰勝歸。戲下多婦人。內一姝光麗甚。軍中謠曰。吾帥

得美人。帥欲汗之。美人曰。吾縱失身。寧能備兵。見後

房耶誓不許。帥恚甚。而又疑其語。時藩伯丁公。方以天子侍從臣。出觀察江南北。鐵面持斧。與繡衣等。帥畏之。私念美人憎余老兵。而觀察以翰林供奉。出禁中。稱才子匹之。美人喜。即觀察公必喜。釋吉日。戲下諸婦女。咸相率賀美人。已而帥飾七香車。強美人登車。戲下諸婦女。灑涕送美人。商旅市肆。扶老携幼。聚族觀美人。縉紳博士弟子。私議曰。觀察公奈何受美人。既而冷語曰。觀察公應受美人。美人至。觀察公微笑曰。時不吉。吾未見美人。且貯別院。命侍婢進薺澤。

潔飲食。即觀察公夫人。以及蒼頭奴子。咸信曰。觀察公愛美人。又疑曰。觀察公奈何不見美人。居數日。命製錦衣一布襦一。賜美人。且傳語曰。詰朝見美人。明日侍婢促美人沐浴。膏粉熏以蘭麝。蒼頭奴子又相率私賀美人。吾不知觀察公果愛美人。否。美人意果移否。薄暮召美人。衣布襦。椎髻出。匍匐拜堂下。哽咽卒不能語。良久啼。有聲。舉首光麗。與華燈相射。觀察公傳呼曰。小婦宜拜。嗣後慎無拜側目。觀其衣甚喜。美人啼已。又拜長跪曰。賤妾士人婦也。家破身俘。道

路聞夫存忍死冀見天日居戲下懼見辱瀕死而幸看也轉折不死又忍死以乞大人憐啼痕濕布襦左右皆泣下

觀察公剪燭長笑曰又笑妙吾聊以談鄉耳汝義不污營帥

吾備位禁林值史館見忠孝廉節必表揚之今者

天子命吾陟外臺激揚風紀寧妾士人婦耶汝且歸

別院命快騎之某地踪跡其夫不半月士人至觀察

公命美人居北院士人居南院生動兩院應齊啓夫識婦

婦始識夫遙不得語隔牕而啼泣盡而繼之以血觀絕好光景

察公徐曰召二人來語士人曰汝婦貞微吾汝婦死

矣命左右飲食之結使去甫登舟傳呼曰召美人來美

人驚既至問曰汝夫來有糗糧乎有衾褥乎疾應曰

有急登車而去甫登舟傳呼曰召士人來士人驚美懼見留耶

人驚而啼既至問曰汝遠來有糗糧乎有衾褥乎士何故

人蹙額曰無觀察公大笑曰汝書生遭亂離倉猝欲在口不對

見婦不暇他顧吾以金二百贖君行命二卒護其舟又大笑妙

江南北始聞公受美人駭而疑美人入室益信既聞應前一段

納美人冷語如故久之又聞公召其故夫則大喜感

激如身其事久之聞賜金以壯其行則又感激人人

泣下不減如吾又應今夕嗚呼公博學冠禁林平讞頌南
 士今者旬宣長牧伯外足軍食內恤民窮大臣丰采
 豈以一女子細事足重公哉然公卽不以細故重而
 海內重公者樂聞公所爲而不遺乎其細坐客授紙
 筆命予卽席記之以廣異聞漏下四鼓文成復轟飲
 別友人去公諱思孔壬辰進士遼陽人西陵林瑤鹿
 庵記

丁葑園曰滿紙烟雲萬狀一結獨見其大立言有

體

陳天祱曰藩伯事事寬和有公輔之量還婦一事

鹿庵偶然得聞焉寫得淋漓愷惻已覺

春生鄰國

駱孝子兩割股記

古今有割股以啖其親者矣。未有愛弟而割股者。慈
 水。孝子駱尚志兼有之。孝子家于杭。當父死時。躬負
 販以養母。母懷幼弟。呱呱泣日中。顧母影亦泣。孝子
 豈一日忘父哉。母感寒疾。瀕死。叩頭朝北辰。願以身
 代。忽躍起。自鞭其頭曰。誤矣。以我死而母生。母雖生
 何由得食。母終瀕于死。三幼弟能須臾活耶。乃割股
 和藥。母呼孝子曰。若羹何香耶。馥馥拂吾鼻。已而果
 愈。孝子益力作。家始有。列肆貿布。其仲已壯。教之誨

之。奉兄惟謹。更白母曰。男遇日者。言他日當學佛。宜

令弟妙娶婦生子。孝子史家冷語年三十餘矣。母即從之。為弟娶

婦。弟又病幾殆。孝子悲泣不食。禱于神。復割股以進。

弟語母妻曰。適嘗藥甘甚。似不從人間來。已而又愈。

嗚呼。世有孝子。不必盡推開一段念覺緊湊以割股。稱然當其疾篤親危。

奮不顧身。即古之忠臣。甘于斷頸。到膚皆有大不忍。

之心。以用其忍。而况一股乎。孝子起負販。未嘗誦詩

讀書。行其心之所安。而毅然無屈撓。天卒酬其志。母

與弟俱生。而弟又生子。嗚呼。孝子豈一日又應一筆忘父哉。初

孝子割股時。母與弟不及知。鄰人同浴。疑其癩。捉臂

問故。孝子真孝子笑曰。安有是。余與孝子交。見其臨財廉。取

予義。長齋飲酒。未嘗學佛。體肥于肉食者。吾竟無以

測之。爰記其事。以告世之為人子者。

關查度曰。有是人乎。願拜之友之。

受業霍子美曰。孝友出于天性。此記當勒之座右。

余節婦記

嗚呼○開○口○說○勉○妙節婦勉乎哉吾里有胡生者聘北門余氏女未

婚而死其女誓歸胡守制○故○首○句○云○然或曰婦年少志未堅恐中

變或曰否烈女性成何疑焉夫婦人之大倫也往者

西陵某氏女既聘聞夫死即登樓毀靚妝縞素椎髻

題詩於枕屏車徒行抱枕之夫家哭而入執婦道終○奇○人○故○自○恒○有○

身焉○冷○語今老女子年六十矣無錢不得旌余聞而恨之

夫室從父嫁從夫先王制之以範夫女者無二天久

矣其嘗愾然思閨中女子輕棄其親而謂他人父謂

他人母徒以夫故非然則途人也未入門夢中尚不

識夫而况其親乎世之人習其常而不知變中之常

其謂沽名弔詭也亦宜嗚呼夫婦人之大倫也父命

之委禽于室即他人婦矣世衰道微削矩為規遇其

變亦曰毋過情云爾今也凜然守先王從一之訓嚴

萬世夫婦之防由此使為人子者知無二親不敢以

不孝乎親為人臣者知無二君不敢以不忠乎君以

一女子風之勵之以赴其君親者亦未必不然先是

節婦意甚堅父母將宛轉導之無何舅至家忽屏後

躍出拜呼翁曰新婦將以某日歸父母嘆息泣下節

婦年二十自某月日歸胡歲月長矣未婚宜稱女稱

婦從其志也嗚呼節婦勉乎哉

吳志伊日以議論夾發亦記之變體然有開風化

不少

周敷文曰警策皆至性語節婦不朽矣

螺峰小隱記

聖賢授受其精義微言。往往起得高渾鄭重不能私其子。而弟子嘗得之於師。故古者師弟子之間。蓋甚重也。鄭端簡公作弟子說云。敬其師焉。資之以事君也。忠也。愛其師焉。資之以事父也。孝也。臣繫於君。子繫於父。弟子繫于師。一而已。吾友稚黃毛先生高枕螺峰。雖臥病。問字者履恒滿。其門下生李子延澤。沈子聖昭。胡子文漪。洪子昇潘。子秬。沈子豐垣。周子琮瑩。張子琨。聶子昂元。洪子昌。皆尊師惟謹。一經指授。終身不忘。咸

曰○惟○吾○師○之○教○不○及○此○先○生○上○不○泥○古○下○不○拂○俗○以

卻○欲○存○理○為○學○以○千○古○是○非○名○教○為○準○螺○峰○不○出○郡

城○而○南○瞰○大○江○東○接○吳○山○透○迤○幽○勝○愛○而○卜○居○病○良

已○日○偕○門○生○兒○子○或○杖○策○或○籃○輿○或○遊○古○寺○或○攬○孤

雲○或○清○談○竟○日○夕○或○踞○席○執○經○送○難○或○入○深○林○散○髮

臥○或○望○海○門○潮○汐○起○落○惜○無○龍○眠○為○之○圖○画○今○年○十

月○將○望○適○其○門○下○生○畢○集○先○生○命○駕○登○山○呼○李○子○曰

登○山○難○乎○易○乎○聖○昭○曰○難○文○漪○曰○易○先○生○曰○難○易○從

人○乎○從○已○乎○李○子○偕○兩○洪○子○頰○首○前○曰○謹○受○教○學○不

殖○將○落○遙○望○林○木○殷○紅○可○挹○先○生○曰○歲○月○不○停○此○景

宛○似○去○年○鼎○元○琮○瑩○曰○朕○哉○當○惜○分○陰○忽○旅○雁○南○飛

沈○豐○垣○曰○物○求○友○乎○先○生○曰○固○也○出○水○之○鱣○蛟○如○也

三○入○則○鱣○七○入○則○緇○矣○可○不○慎○哉○張○子○聶○子○與○諸○子

偕○進○日○敬○業○樂○羣○莫○先○去○欲○先○生○輾○朕○咲○曰○得○之○矣

歸○而○聚○飲○艸○堂○先○生○曰○欲○之○不○易○去○也○譬○諸○飲○嘉○會

成○禮○非○欲○也○喧○呶○屢○舞○則○欲○矣○獻○酬○畢○出○床○頭○格○物

問○荅○各○授○一○冊○告○曰○老○夫○年○已○六○十○矣○方○成○此○書○諸

子○持○歸○時○出○而○觀○之○三○年○或○覺○其○言○之○多○也○朕○後○卷

而棄之。是時近雅黃初度。諸君命余記之以奉觴。

卓亮菴曰：命意高妙，虛實相生，情事宛然，如觀如

畫，安放十及門處，或整或變，全無可置

襲積。此惟大史公韓吏部有此手筆。

胡文瀟曰：用筆超逸而結撰于虛，較昌黎師說更

勝一籌。以此壽吾師，吾鄰之士亦賴以

傳。

丁孝廉尋姬記

丁孝廉景鴻嘗言：初與兄計偕至京師，舟中預作定

婚帖，誓各納一姬。酒酣益狂，叫賦詩鄰舟。客疑盜至，

呼篙師逐之。抵京師，兄先納姬。孝廉繞戶走，天未曙

叩門召媒妁。媒妁故不出。孝廉立風雪中數日，買一

妾。妾姨姊妹俱來如媵。合昏畢，亟趨出。驕兄曰：妾貌

如桃花，恐嫂羞見，其頰試於禮部，俱報罷。各買舟歸。

孝廉遲未發，偶飲友人所，夜歸床空矣。詢鄰媪，媪怒

曰：吾子有婦，寧盜汝妾。孝廉俯仰左右，顧如中酒，徐

日得非夢耶。同年某至，且慰且笑曰：「此間故習也。忽

頰首作思急，牽孝廉袂耳語曰：「卿知石虎張乎？其人

故關外大俠也。張姓京師，呼曰石虎。張鞭雷叱石，呼

吸通九天，視卿相蔑如也。無論豪士爭隸門下，參餐

游食僧丐數千百指，秋官慮囚行金于張，易以赴西

市，無人知者，積財至金穴矣。苟匿其家，雖天子詔奈

何？孝廉頻蹠足，同年曰：「吾歸為爾伺之。貴官某張弟

蓄也，介以問訊，遲數日還報曰：「有之。詰朝可通刺，孝

廉喜，懷刺過其門，車填戶外，見一老翁，裹瓊笠，衣故

衣，雙目疑盲然。右目瞬瞬掀瞳子，剛半視，年已七十

矣。手握籌，無算呼車夫，運水甕入，孝廉授老翁刺，願

見主人。翁老翁曰：「小人便是。」迎而入，告以故，老翁笑

曰：「失一姬，再市一姬，燕趙佳人，多如薺。小人昨買妾

不樂居此，即開後閣驅之去，三千金一坏土耳。」孝廉

強為陳乞，忽拱手曰：「小人無暇，命其季留館，孝廉季

盛服，廣額豐頤，體肥可比安大夫。導孝廉入迴廊，徐

問曰：「卿錢唐客耶？」至一齋，即別去。但云：「且居此數日，

稍選一美人，覲粧入揖而坐，不解何故。童子捧茶入，

啜茗無語未幾蒼頭携酒饌入語美人曰可侑酒聽
 之蒼頭童子美人皆操錢唐音孝廉訝之美人曰此
 錢唐寓齋也闢館百區好大快各因其地則從其人毋相雜
 處顧其壁懸盛懋西湖圖方粲然一笑日暮老翁與
 季皆不至美人可謂風中絮矣薦枕席欲侍孝廉南歸巫山有約幾
 移客子情詰朝季至欣然曰吾兄已代君採訪矣荒
 齊寂寞欲觀洗兒會乎導孝廉出路可半里許層樓
 飛閣在焉季囑曰君但仰視可耳即別去孝廉仰視
 虹橋又虹出復道樓閣玲瓏隱隱聞樂聲自雲中出漸吹入

耳笙歌隊隊沿複道行執花持節恍如天女最後一
 小兒坐錦車靚粧婢數十人簇擁而過方駭嘆間忽
 聞哭聲又奇鼎沸裂竹聲聞之正瞠目錯愕其季忽至笑
 曰無與卿事適嫂洗兒置車中將車者敬側恐傷兒
 手羣婢皆受杖故驚君聽孝廉返齋與美人嘆息不
 置明日季至招孝廉曰欲見婦乎至院外遙望孝廉
 指曰是也脉脉不得語老翁忽至呼季曰弟何易示
 人耶既至可歸孝廉共飲酒孝廉携妾詰問妾曰此
 母兄意也妾豈楊家侍兒耶日與第三夫人同臥起

又問老翁洗兒為第幾男。妾大笑曰：此木雕嬰兒。第
 三夫人假此迎祥耳。明日出百金壽老翁，笑不受。携
 其妾還寓家，僮千人，人冀得孝廉，一縑茫無以應。夜
 乘舟遁去。

陸盡思曰：曲折點染，筆有化工，極文章樂事。

受業霍子厚曰：奇事艷筆，可續虞初。

孫述庵改號記

宋橋苑折而南，為豐樂樓。有友曰孫君述庵，問其名。
 則曰：忘之矣。酒酣，忽記憶，笑曰：比蜀鳳雛。少時家饒
 于財，比戶皆珠璣肆，里無貧者。而孫君為最弱冠補
 諸生，不善讀書，鄰亦無讀書者，乃求友湖濱始學文。

未已，更學詩，坐六尺床，把三寸柔翰，或繞室疾走，苦

吟。友人戲語曰：聞新詔，更詩賦，取士君苦吟，固當君

亦笑曰：未也。更當學為辭及金元雜劇，某聊自娛耳。

何與卿事。當爾時，湖山佳麗，供四方遊者。君坐臥僧

室故平章賈似道居也。踞葛嶺之勝，偶杖策訪孝先。石床丹竈，顧而樂之。告其友人曰：世謂無仙真妄語也。巋然見石碑，疑讖記。掃除細視，乃賈秋壑家誠。其末云：我子孫毋忘忠報君。大笑曰：忠者佞之媒乎？木綿庵尚憶鬪蟋蟀。否？每月夜必携饌置小艇，自刺其舟，聽客吹洞簫。夜分猶泊西陵，醉語友曰：遙望有蘓小墓，香窺可珊珊來。如是者三歲，猶曰：此間樂不思家。會乙酉，哀鴻甫定，家稍稍落矣。猶負素封名，內臣理尚方者，括富家助織文貢。君以虛名先入甕，父兄

苦之。出與同舍生笑語曰：縣官藉吾儕補袞矣。時宦者惡稱儒生，庭謁叩頭。同舍笑曰：補袞當何時耶？久之，財盡始免。更貸錢為珠璣肆，兵兒聚人擄，藉以金注誘其家。家完前全破。嗣此失富名，有書數千卷，日夜讀書。樵爨不給，猶嘯傲自嘲曰：吾富猶敵國。其友林生笑曰：卿嗣此真善讀書矣。可稱作者。孫君曰：述也。非作也。六經子史固宜習，諸如術數陰陽星緯楊曾五行家言，有傳書無傳人。吾得考而晰之。若天官家微矣。必假器驗象，曾不得登靈臺，觀渾儀為恨。且世所

須者醫也。日聚數千百庸醫。藏鈞射覆。伸三指殺人。利子刃。吾遠追靈素金匱之奧。酌古今辨時序。分男女豐瘠。遲速先後之宜。起奇疴。當快心事。庶幾不愧。林時苦心范文正公最可惜者。龍虎金碧。神竈黃爐。庚辛玉冊等書。汗牛充棟。學士家置之不問。吾研精覃思。幾四十年。不求人知。而世亦無有知我者。嗚呼。如君言。滌矣。昔也。滌於財。今也。滌於書。然文成。輒為人取去。客錄於壁。君他日閱之。忘自己出也。視其尾。署曰述庵。結前忽復記憶曰。是善名我。我固當如是耳。因自號曰述

庵云。

陳蘊先日筆情閒適。高踪如畫。

孫文止曰。忠者佞之媒。諧語耳。富者貧之媒。乃其

實也。擁書嘯傲。而精於醫。珠璣今何在。

耶。行文不減淳于列傳。

蘇東坡詩集卷四

韓君瞻五遊北山記

今年春余偕絳州韓君遊北山韓君告余曰山行良

佳須携酒解劉伶渴以故每出遊一童子掛酒鎗前

驅^{嚴整}孳^{嚴整}楯持杖翩翩有喜色更携一錦囊貯筆硯赫蹏

數事命老僧一二輩皆從倘得間可乞^{真韻事}諸君詩以誌

勝遊夫康樂愛^{引古}登山未嘗能飲元亮好飲^{折妙}有足疾輒

呼門生兒子臥籃輿中吾不意兼之者乃有韓君入

山或遇大石崇岡呼^{光景}其友曰皆坐招童子進酒更上

一峯又復呼盧角勝負響振林木能窮^{名山}之勝友

人倦而倚松下。輒浮大白笑曰。山不厭高。卿不斂人。
 意屢所至。攀蘿附葛。拾樵青棄。斧獵火遺。弓覓殘碑。
 斷碣白骨。縱橫。嘆曰。達人。名論。人生可力飲酒。無與人事。已而
 瞰大江。望海市。若淺水。一二隄。余大醉欲歸。而羈已
 暮矣。捉筆記之。倘再遊。吾與爾賦詩。

王丹麓曰。酒徒好遊。大是奇事。可謂記中有詩。更
 不煩作詩矣。

沈開先曰。寫生妙手。宛在目前。

周母修衢記

天下莫愚于婦人。而邀福為甚。雖然。鬚眉亦且不免。
 况巾幗乎。越俗男女。遇攬揆。盛陳水陸。留賓暢飲。或
 呼浮屠氏。梵唱積習。錮之非是。則有愧色。吾里有周
 母者。閩閩趙氏女也。適周君仲威。稱賢婦。其子珮瑩。
 從余遊。且曰。是吾母命也。母未嘗識詩書。閨門之內。
 比京陵東海。值誕辰。戒其夫。若子曰。賓至宜飲。毋戕
 物命。吾方求生物。亦愛生物。可生而不可死也。聚梵
 唱祈大年。其人與骨皆已朽矣。吾方求生。奈何近死。

佛已死而不可生也。吾向見水溢街衢，斷石瓦礫，漫滅不可見。壯者褰裳過老，老方辨高低，濡滯不前，騎者馬蹄落石，罅負販者舍而之。他塗吾甚憫焉。盍平諸。于是鑿石鳩工，不日而成。林子聞之，嘆曰：人亦有言為善無近名。今人或為粥以待餓者，或行藥治病，釋飛走，沾沾有德色。周母平衢衢往來，不知凡幾履道坦坦，其為善也孰能名之。嗚呼！惟其無名，福之所。以愈滋也。詩曰：壽考惟祺，以介景福。周母有焉。余故為之記。

關去非曰：至理名言，可省世人許多愚昧。

受業霍子厚曰：今世駁名客，讀之應有慙色。

緯板官記

遡嚴陵而上。水趨下水。中石子五色。樂人目睛漫衍。
 四百里。疑○染○疑女媧補煉時墮水。舟行山忽踞水中央。如
 怒猊渴驥。又如五丁斧鑿餘山隙溜。舟波平里許。輒
 聞如雷吼。灘聲激浪。舟不得上。其間舂者田者假水。
 為工而不勞人。力舟下者如鳧飛。舟上者僱役挽舟。
 而人假水以賃食。其為灘也。三百六十。其賃食也。嘗
 近千人。舵師呼之曰緯板官。初至酒一盞。肉二臠。勞
 之。過此糜飲三。乾飯一。或以鹽沃箸。苦菜蒸食之。甘

如。飴。山。與。水。曲。舵。師。呼。緯。板。官。曰。左。則。左。之。曰。右。則。右。之。綠。蓑。煙。雨。描寫上下如猿猴。余笑曰。卿何官耶。握手。板。日。夜。行。勞。矣。而。又。不。得。肥。於。爾。家。可。若。何。緯。板。官。曰。家。近。山。田。瘠。以。薪。易。粟。薪。竟。歲。歲。不。得。食。令。如。虎。追。呼。至。藉。此。輸。縣。官。餘。錢。得。以。贍。其。孥。舵。師。進。曰。彼。利。吾。舟。貧。者。至。百。金。裝。者。至。千。金。者。亦。至。貴。壯。賤。老。壯。不。能。挽。舟。則。惰。民。矣。卽。欲。婚。奇斬。與。女。嗚。呼。舟。行。四。百。里。官。於。舟。者。凡。千。人。官。不。浮。於。舟。舟。不。浮。于。官。抵。屯。溪。獲。俸。錢。而。歸。數。官。來。又。數。官。去。無。壅。塞。無。驚。恐。耶。

播遷水之逆也。正安此一方民握手板者其知之否。徐松之曰柳州得意文字。丁葯園曰柳州以橐駝寓相術鹿庵以緯板列官。

箴同一措意而機致自別非徒滑稽于文也。

女耕記

男。耕。女。織。王。政。也。余。抵。新。都。舟。載。負。擔。籃。輿。者。數。百。
人。視。其。足。躡。草。履。儼。然。男。也。顧。其。貌。則。女。各。肩。灰。累。
纍。挾。杖。行。舟。人。告。余。曰。夫。出。買。羣。媪。負。灰。歸。以。糞。田。
蓋。新。安。買。人。遍。天。下。巨。室。無。論。已。中。下。者。各。逐。刀。錐。
未。敢。於。輕。去。其。鄉。而。使。女。子。親。耒。耜。耜。一。句。稼。穡。惟。寶。女。子。
知。之。異。矣。夫。世。之。女。子。曳。文。繡。倚。市。門。者。無。論。已。其。
或。操。井。臼。甘。藜。藿。以。老。人。稱。之。夫。亦。爭。賢。之。至。若。酒。
食。是。議。門。無。諍。語。卽。曰。嘉。偶。也。乃。有。安。居。飽。食。從。夫。

索紅粉用樂府語自佳一不當吼于戶者屢矣。以故負販細民窮日况瘁而妻嘗逸夫事其妻真妻役其夫安於習俗而不覺者隨地有之。今也夫不在以女業男當新穀既升時可以娛黃耆可以奉祭祀可以輸貢賦可以易麻縷絲枲胥于是焉。賴女業男業權也亦宜也。乃世固有男而更業妙不說出何等女之業者亦獨何哉。

錢翼士曰木幅說出一段大題目來覺女耕亦宜
余繡山曰諷刺甚冷足解人頤

呂園二鶴記

鳳凰於鳥稱王。鶴于鳥稱仙。鶴之品至貴。而嘗處人臺榭間。其寄托亦至高。是故雞羣無鶴。獨于呂氏園則有異。主人絕妙主人忘其為鶴。如以雞畜之。前四年遊其園。主人觴余。白羽翩幡起松下。余笑曰。將賦主人池邊鶴酒。酣客。騁甚。卒不果。又二年遊其園。入門謂主人曰。吾將聆鶴唳。主人曰。一鶴足跛矣。會絲竹雜陳。靡之響。夜半避客去。又一年遊其園。與客坐芭蕉下。交柯蔭日。亟起問曰。鶴何在。主人四顧對曰。鶴在夔

下。嗚呼。夫以凌霄之姿。而乃戢翼池邊。跛趾林下。寒宵獨唳。鎮日苦飢。而不免乞食于竈下。養使鶴縱肯低頭以求入乎。雞羣而可悲可涕雞似不能容鶴也。悲夫。諸虎男曰。有是哉。曰。多多。

吳次公曰。世人肉眼雞畜鶴者。比比。

雞冠花記

草木之微。各以其時。爭榮于苑圃。草木其有知耶。無知耶。客偶持雞冠花數本。遍植之。余笑曰。花之最賤。而無變態者。莫此若矣。客曰。不然。是蓋得之洛陽者。有紺色。絳色。金色。淺紅色。青玉色。綠色。蜜色。最下紫色。盍俟諸。俄而花齊吐。萼萼不甚異。稍辨為某某色。又久之。而萼與色大異。紺者化為紫。纍纍數十萼。如看他叙來絕不雷同獨孤夫人出獵。隊隊著錦繡。止一本絳。三本一如火。毳貫細。葢如纓絡。一如緋衣。女子妙于形容聯袂搖曳。而共棲。

碧桐下一如錦雞孤立而下携二三雛金一本如杏
 子單衫而腰獨細如金針細裹頤而長又一本外作
 斧形排當如黃鉞內微淡節如白旄以百計淺紅者
 如偃月形而肥青玉者如畫家繪色鮮妍燦自雙萼如邢尹並峙參差高下
 小女附之綠者如風吹墮髻各一本蜜二本斜者細
 細鏤佛頭雲而無旁枝莊者並肩立層霄下瞰侍兒
 如攀崖欲上紫最鮮妍不勝數變態與絳同俗所賞
 者一本大者尊而藏于中繚繞以百數名曰百鳥朝
 王嗚呼賤而能貴暫而能久變而能新花如雞冠其
 尚能樹立如此夫。

鄧廷珩曰一結便有遠神

孫文止曰遊戲文字亦不妄下一筆大奇

歲寒堂初集卷五

錢塘林瑤鹿菴著

同學周琮瑩晉侯

較

受業周珮瑩襄鳴

論 祭文

誌銘

雜著

伍員論

古稱愚忠愚孝。何居蓋謂忠孝不可雜以術也。朕則
一○篇○大○意○
 古有讐其君者乎。曰有之。自伍員始。楚平王殺其父
 兄員。卒以吳入郢。鞭王屍。當是時。員必宥○一○句○以為如是而
 可謂孝也。孟子曰。君之視臣如艸芥。則臣視君如寇

讐太史公亦曰棄小義滅大耻迨謂君臣之義小而

父讐為大乎夫殺員父兄者費無忌也說者曰非平

王其孰能殺之員先人伍舉事楚莊王世世北面臣

楚卽平王信讒殺其臣振古以來信讒之君史不勝

書安得盡如員而報其讐乎夫欲員忘父兄之讐員

必不可至於掘墓鞭屍卽員亦曰倒行逆施矣員既

以孝生亦可以孝死何不當爾時揚言曰吾忘父兄

非孝也為父兄而戕其君敢貪餘生卒伏劍而死以

報漁父女子并即專諸要離死時亦解此意以謝專諸要離亦無不可而員又不

能抑何也蓋其始也吹簫乞食其既也身相吳國顯

名諸侯爾時功名可立時會可安賢者有時而愚智

者子胥亦心服否有時而昏員不免焉嗚呼當前王時王僚可死慶

忌可死王僚慶忌之歿雖前王死之而不可謂非員

死之也雖奪人之國層匕剝入直見千古古肺肝死之而不可謂非復讐之意死

之也以覆楚之心先為殘吳之策他人獨無父兄乎

員以為不如是則時不遇讐不復亦聊以行吾權以

濟吾變而豈知心事國人盡知之耶朕則員不復入

荆而不得不忠于吳者勢也亦所以報也夫越之畏

員員知之員欲報吳則何不留其身于委蛇退藏之
 中大臣繫國安危豈在口舌間哉徒以直諫買禍招
 讒而又托其子以實讒者之口不伏劍而死孝卒伏
 劍而死忠是故去楚為往二語定解千古莫易而莫禦之孝子在吳為鬱
 而難辯之忠臣而其心止可白於天下後世吾故曰
 忠孝不可雜一語結案以術王哀稽紹餘波發出正意宜報讐者也哀力不能
 而微辟不就紹為山公所誤而卒盡忠晉室蓋既出
 而君臣之義莫可逃也朕則員宜如何出奔他國終
 身不為宗國設一謀其亦可矣何則讐君是正論不可訓萬

世而費無忌可殺也

張祖望曰子胥尚帶春秋習氣未曾到中庸地位

文中辯駁正是破綻處詞嚴義正未識

伍公服否

陸蓋思曰忠孝不可雜以術名論亦是正論借子

胥立言歸重君不可讐是關繫風教文

字

壬午諸臣論

夏商而降自此有征誅無揖讓朕數千載革命不知

凡幾頑民不知凡幾斷頸截脰不知凡幾壬午之變

文皇帝取天下於猶子其刑人也儼如地獄變相奇

慘酷烈而帝籠一以有世一為之籠一之勢諸臣赴義儼如蠅嗜羶蟻嗜

脂無一膚撓目逃而畏死者嗚呼自生民以來未有

若此之甚也吾嘗槩觀古今大約身為踰越之事雖

極驕恣其內多慙激而排之則易慙為怒彼蓋以為

吾既已蒙惡聲矣怒而加人如火方燎如江河方決

久之怒生疑疑生怯湯放桀猶日台有慙德文皇對
 諸臣曰法周公慙語耳自成王安在而刑戮益滋其
 死者可悲可涕更可畏可驚縛一人如是縛數十人
 及百而千又如如是文皇疑矣敷天之下當時心車戴舊君者實
 繁和盤可兒有徒假令皆若是而能安枕南面乎怯而劫之以
 威愈恫愈殺此非文皇之初原情得妙心而勢有所不能已也
 朕而過矣獨怪建文當日真話內無相外無將方黃齊鐵
 數輩書生耳有學有行朕而無才無識無膽無謀欲
 以尺箠當猛虎兵至龍江尚欲割地求和爾時水關

夜暹在內討古論今在外募兵勤王之臣又何濟乎
 晁錯朝衣東市而七國卒亡趙括能讀父書而未嘗
 審時度勢嗚呼諸臣亦慙矣慙生忿忿生勇願灑朕乎否乎其
 弘之血以酬四載之天子雖鐵可折石可糜而英風
 勁氣踔厲于殿陛之前甘心於漂杵之市迄今覽其
 紀載覺忠魂猶凜凜在愁雲慘霧中而况當日乎惜
 乎易名之典南渡欲舉行而不果也

孫宇台曰遜國諸臣忠于所事耳而遭戮甚慘九
 原不無含悲朕亦情勢使朕處之或過

耳持論中正千載自是不磨

陸梯霞曰頸可斷獲可就蔓抄株錄而卒不肯屈
丹誠俱化為碧血矣通體論事精確後
幅數行寫得英風勁氣咄咄逼人

東湖樵夫論

建文壬午秋新詔至臨海東湖樵夫愕然曰皇帝安
在。答曰燒宮自焚矣。遂大哭投湖中死。或曰樵夫可
以死。可以無死。死傷勇。愚獨謂不朕。蓋閑萬世君臣
之防者。裔齊也。遜國而逃。身既隱矣。叩馬而諫。彼明
知無益。寧留義士之名。以作忠臣之氣。數千百年以
來。更姓改物。而殺身成仁者。史不絕書。至壬午殉節
諸臣。瓜連蔓衍。廣矣。酷矣。一樵夫何與人事。而又死
之。則其謂之傷勇也。亦宜。朕而取義成仁。蓋莫樵夫

若何則死者人之所甚惡也。已身可死。則死之匹夫。入情
論慕義何處不勉焉。燕師入金陵。不數日。清宮矣。繼而
 某某授首矣。又繼而屍還。反背。死猶犯駕。滅五宗。誅
 十族矣。嗚呼。覆巢無卵。從坐有妻。猶身事也。至盡其
 親戚宗族。交遊之死。止以完一已之忠。迄于今。其姓
 名不可考也。吾不知在當時。果甘從死。否。彼樵夫者。
 直以為可死耳。湖水漣漪。而樵夫之親戚宗族。交遊。
 猶聚廬而處也。假令樵夫有父母。猶自首。桑榆樵夫。
 有妻孥。可藁葬。招魂也。以踐土食毛。而論人。皆可死。

其死也。輕于鴻毛。就樵夫而論。忠義之激。時亦恒有。
 故老遺黎。吞聲躑躅。海不可填。日不可挽。一慟哭之。
以爲義中。幾許絕命之詞。衣帶之詠。藏焉。寓焉。欲潔其身。而
 無忤于新君。矢節于一已。其死也。義也。亦仁也。雖朕。
 裔齊採。西山之薇。而樵夫耻樵。革命之士。亦獨何哉。

朱若始日。總為樵夫。寫炤。非貶方黃諸君也。千秋
 名論。卓朕可傳。

馬鳴九日。將孤竹。比樵夫。命意最高。後幅字字入
 情。可與毛稚黃方正學說參看。

浮屠論

中。國。之。習。於。鬼。也。自。聖。人。不。作。始。也。昔。者。昌。黎。諫。佛。
 骨。余。嘗。笑。景。星。慶。雲。麒麟。鳳。凰。世。不。恒。有。至。屍。骨。遍。
 原。野。而。猶。以。佛。名。之。愚。也。卽。佛。亦。惡。人。之。爲。是。舉。也。
 可。知。矣。獨。怪。佛。氏。之。徒。守。其。師。說。未。聞。逃。佛。入。儒。儒。
 者。往。往。學。佛。以。推。信。其。言。武。帝。詔。金。日。磾。輔。幼。主。辭。
 曰。臣。外。國。人。毋。使。輕。漢。儒。者。反。出。其。下。噫。亦。可。恥。已。
 佛。氏。教。人。學。死。者。也。死。曰。寂。期。于。見。性。而。已。聖。人。不。
 日。窮。理。盡。性。以。至。於。命。乎。瑰。偉。奇。特。之。士。樂。聞。其。說。

甘為孔孟放豚而又以善惡報應佐之故其趨赴也
 如鷺且夫朝聞道夕死可矣此即孔子教人以學死
 也至于善惡報應其理脩於書其精微藏于易其情
 狀變幻見於春秋左氏聖人未嘗明告天下以故而
 使佛氏得以語怪於中國朕則聖人且有過欵曰非
 也彼佛氏者棄爾君臣父子兄弟夫婦朋友騁異域
 之見聞類皆荒誕不經無可考據者以神其說譬諸
 有人曰蟻可吞象蠅可飲千石愚者不信也朕誠有時
 智者信之不過寓言十九如宋玉之賦大言小言耳

乃至于悖綱常壞風教其事不可以不辨今夫治喪
 用浮屠宋儒病之愚謂此即濟人之術也僧徒得食
 于人與百工等朕而重誣祖先方知伊川為是乃今
 者為會薦亡名曰水陸浮屠氏列古帝古皇累代天
 子以及師儒將相于坐隅彼所謂佛者儼朕毛髮南面而
 其上俗皆曰佛門浩大哀哉今之乎僧徒作梵語供伊蒲畢焚楮幣等之於鬼其罪
 當居何等夫歷代帝王紹白皇繼以帝曰三王曰兩
 漢曰唐曰宋曰元曰明功德於昭大一統也非天子
 不祀至於師儒將相或以道統或以勛伐或以著述

或以惠澤則有祀句有斟酌自孔子而下祀于太廟附于學俎豆于社于鄉非謂其餒而所以昭敬也佛曰超拔豈謂其沉滯冥途乎夫佛教入中國自漢明帝始明章二帝以前之帝王師儒將相不知凡幾果何人超之拔之耶奉佛惟謹無過梁武梁武能懺妻于死後而不能懺已身于餓死妒可懺也弑父弑君可懺乎千古弑父爰書一朝錄案弑君而可懺舉莽擦温懿林甫杞檜嵩之徒皆可懺也孟子曰楊氏為我是無君也墨氏兼愛是無父也佛氏無父無君而更欺天罔上重誣中國可乎且

今之天下猶是皇帝王相傳之天下也賢聖所教仁義所施詩書禮樂所用遠方所觀赴九裔八蠻之所義行使其聚廬而處俊慧者揮塵談佞原不遇士点綴山水間之清聽朴魯者隨緣乞食為朝廷藏遊惰如昔人所謂養濟院其亦可矣而欲冒大不趨之名以愚匹夫匹婦曰佛如其尊且大也聖人復起正其罪必矣雖狀佛教未能自興也縉紳畏死儒者徇利從而比焉作奸犯科甚於常民而又有佛氏庇之則亦何往而不肆於人上哉噫亦可悲已

蔣馭六日佛骨表只就福田上說此就超拔上說
不必論其宗旨說到德不容讎罪不可
讎大言炎炎有補世教

汪幼闇曰文章湏得其大意朕後尋其開合變化
處如此篇以聖人起以聖人終體勢嚴
重中間辨理辨教懸諸日月不刊之書
也

合葬先父母祭文

不肖男。生三十有六年。始析箸養父。得供甘旨者。僅
十閱月。餘皆父母飲我食。我父歿未及夕。母忽病。頭
風失明。歷十有二年。老人不能辨晨夕。心實痛焉。及
焚巢露宿。母歿焦土。前數年。弟之婦死。孫男死。孫男
婦又死。繼自今。長男婦。後姑六月死。又三年。一孫死。
凡十有七年。歷六喪。人生幾何。萃此^{慘然}悲哀。哭泣也。親
故日益彫。交際日益漓。飢寒疾病。日益滋。不肖男。頭
顱如雪。猶拮据以食其子。^{言之動心}尚不得爲人父。以食于子。

今者幸父母同穴矣。兩男各得孫。尚祈祐之以保我后生。

丁叔范曰。文生于情。便覺聲有餘痛。

陸蓋思曰。吾方乞鹿庵文。傳吾母讀之。使人淚下。

祭內子王氏文

嗚呼。憶鸚鵡叩頭乞食時。淚未嘗不涔涔下也。君逮

事舅與姑。雖未必以孝稱。然賢媛月旦。君亦不在中

下。歷三十有一年。茹荼而甘如薺。舉臧獲。廝養所不

能為者。而君盡兼之。吾惡人媚妻作好語。然心嘗忤

忤動。今者垂老別矣。客死農家。薄棺如紙。屈指六易

星霜。而適錢女死。一子又死。未知泉下如生時相聚

否。曩者焚居一里胥。視鸚鵡告余曰。物亦貪生。奈何

焚死。携至徐君大文所。吾每過徐君。飲鸚鵡作叩頭

狀輟箸哭泣徐君遮面慘阻不樂嗚呼十年以來君百結鶉衣與子女共嘗惡草鸚鵡窓前乞食歡笑噴飯猶是吾家慘全盛時也今豈可復得耶君去舅姑墓咫尺姑目盲君尚引掖之孝○恩○未○忘○

徐大文曰覽之凄然增伉儷之重

鄧廷玠曰實語抒哀故不愧一真字

祭男鎮文

嗚呼痛哉汝亡幾日矣汝兄及弟告余日月將晦無錢市冥鏹汝篋中藏錢十二文市蔬果不給汝妹以鶩炙祀汝汝叔以冥鏹資汝汝父廻腸寸裂搦管瀉淚告汝鎮之靈曰嗚呼痛哉汝亡幾日矣汝鬼冷而目不瞑淚痕熒熒泚雙睫吾冀夢竟中與汝遇而汝不我顧嗚呼痛哉吾陡沉顛沛中凡五年癸丑焚居瀕死汝兄痼疾待死踰三月汝祖母死踰六月汝母又死焉計汝母死吾與汝從飢寒疾病中得稱無恙

庶幾留未死之骨肉者凡三年一字一淚有四日而汝又

死嗚呼痛哉死者人之所必有也悠悠蒼天降慘極虐于

我為一家哭從三年三十有四日汝與兄及弟寢如

豕圈食比糟覈絮墮衣縫中突兀如偷兒妙語竊物僅吾

與汝外裹一完衣作儒者狀汝父悲歌慷慨動為安

居外人所知樂業者所請讓無肺腑骨肉友及有氣力者相援

拯天幸憐吾日坐塾中月俸一千止可佐苦境縣官出丁

錢輸問架僱夫役墳墓祭掃不以時而不能以食果

汝腹以衣蔽汝體嗚呼痛哉吾暮而入問汝曹得食

否有鹽豉否應曰有則繼問曰客幾個來汝曹何往

應曰無則頻頰此真題加額長嘆數聲而寢吾朝而出問汝

曹有薪否縫裳補履得現錢否應曰能則昂首而行

囑灌花刈草軒軒如得意狀應曰不能則出而復入

俯首作思而實無策朝朝暮暮吾已不覺歲月淪胥

凡三年三十有四日也今年五月汝姊死吾與汝哭

之慟汝屢顧其甥曰姊幸有此兒姊壻感汝至再今

年七月朔汝再從兄死汝告吾曰三房共一子祀餒

矣可若何吾告汝伯曰曩者吾不如兄今吾幸有數

子惟汝好讀書行誼醇正天或者憐吾衰宗以大門
戶在此子矣天忽又虐吾越十有八日而汝又死嗚
呼痛哉汝曳無底履行風雪中寒噤擊齧汝無錢市
紙筆片楮秃穎藏破篋中汝無母裳衣垢敝和灰自
澣倩鄰姥補綴憶母輒淚下三年三十有四日爲歡
幾何而今已矣嗚呼痛哉汝死三日醫者云冬積寒
夏發熱必死吾檢汝敝絮凡四年矣其寒也夜以繼
日而吾不能以綿溫汝縱悲汝哭汝奚益嗚呼秋風
秋雨竟棲何所道逢汝姊往依阿母三人一氣衡寬

慘令人淚潸潸下

載苦泉路茫茫共承祖母汝父無衣食以安生者無
安處以容一身更無人焉可以告語惟此有餘之淚
揮之不窮掬之不竭汝竟歸來夢中慰我嗚呼痛哉

羅隨園曰讀之淚如綆縻吾不忍卒讀而又數數
取讀之何也擬之祭十二郎文猶爲隔

膜

甥邵景桓曰情真意慘令讀者潛然泪下

鄧君掖薇墓誌銘

葬者藏也。仁人孝子懼親美之弗傳於世乎。有銘世

固不乏賢者。習俗槩以私誣其先人。苟有美人將不

吾信弗如其已。鄧君掖薇歿二十餘年矣。有子璿貧

而好學。一日造余廬。請銘其父。曾南豐嘗曰。自公卿

大夫里巷之士。莫不有銘而傳者。蓋少非他託之非

其人無公與是故也。非畜道德而能文章者。無以為

也。余惡敢銘君父。朕余嘗聞之。君家全盛時。頗通賓

客。鄧君才高博學。篤于友。輕于財。其為人慷慨近任

俠○余○居○最○邇○獨○未○嘗○交○即○伏○下○一○段鄧○君○人○亦○有○言○不○知○其○人○視○
 其○友○君○之○友○稽○山○則○陳○章○侯○洪○綬○東○海○則○范○文○白○驥○
 葛○爰○三○定○辰○朱○岷○左○嘉○徵○及○方○菴○昇○同○里○則○關○蕉○鹿○
 鍵○沈○初○山○九○如○吳○錦○雯○百○朋○孫○宇○台○治○張○用○霖○右○民○
 陸○麗○京○圻○梯○霞○堦○丁○飛○濤○澎○徐○世○臣○繼○恩○錢○生○一○世○
 清○峻○宗○世○瀚○翼○士○世○瀧○程○奕○先○光○禴○陳○魚○在○國○器○協○
 宗○重○光○顧○仲○御○龍○文○季○蔚○豹○文○丁○叔○范○文○策○葉○締○如○
 大○締○朱○佳○瑋○璧○人○金○令○音○如○嚮○元○石○熹○又○多○吾○友○也○
 迄○於○今○盛○衰○存○歿○因○鄧○君○而○愴○予○懷○者○又○不○知○凡○幾○
○賓○中○見○主○主○中○又○見○賓○叙○得○忽○忽○愴○神○

見○今○世○無○急○朕○諾○敦○古○處○者○卽○有○之○偶○酒○食○遊○戲○相○
 徵○逐○輒○誇○詡○孟○公○再○出○六○七○故○人○笑○曰○恨○卿○輩○不○見○
 鄧○君○披○薇○鳴○呼○鄧○君○墓○木○已○拱○猶○令○故○人○追○思○不○置○
 耶○人○生○家○庭○豫○順○外○快○心○樂○業○者○惟○良○友○鄧○君○自○少○
○又○從○友○復○一○筆○古○致○屈○落○至○壯○孝○不○少○衰○記○曰○不○順○乎○親○不○信○乎○友○吾○乃○知○鄧○
○妙○落○下○師○字○君○之○能○取○友○有○以○也○雖○朕○豈○惟○友○君○少○讀○孝○廉○張○元○
 帖○文○愛○之○欲○問○字○卒○不○獲○識○張○孝○廉○旣○長○師○延○陵○金○
 先生○鐵○菴○交○其○子○駕○部○伯○玉○後○師○金○沙○張○先○生○公○亮○
 藩○叅○田○先○生○孫○若○田○先○生○卽○君○內○兄○朱○鷺○洲○同○年○生○
伏

也。君擅文章名，而又好結客，聲稱藉藉公卿間矣。思陵中葉，中原盜起，君嘗命客貿易京師，間一至都。金伯玉先生鉉，方官樞曹郎，中涓張彛憲監督部事，責曹司行屬禮，公不為屈，上惡之，罷公歸。公與君握手時期，以忠義共矢，患難相恤，至是別君，嘆息曰：盜如蝟毛，主上思撥亂，奈何！信宦官疑廷臣乎！憶吾主君家與吾父泛西子湖時，賊勢益亟矣。又數年，上念公復公故官，君適走京師，復與公欵曲話舊。又明年甲申，賊逼城下，公倉皇策馬至肆，即呼曰：鄧君安在？客

馮良父曰：南歸矣。公語客曰：賊橫甚，余職守陴，麾下僅百人，食已盡，得假白金千，給城上人辦炊具，為死守計。若主人必不責客，遂欣朕予之。又數日，城陷，公入皇城內，監繞城走，呼曰：上崩煤山矣。公遂赴御河，死。賊括賈人貴官金，鄧君金盡失，客猶與其弟覓公骨。章皇帝憫其忠，命與同死者俱易名，許廟祀。由今以思君能自信于友，而又能使友更見信于客，客更代君卹其死，以成君之信，蓋非特患難相恤者矣。客空囊歸，具道公本末，君流涕白衣冠祭之。徐語客

日君生還可喜也。嗣此君家稍落矣。猶以餘財召佐
織文貢。是時江南新定章程未立。愚者竄籍中。日輸
金黠者鈎連蔓衍。列富人名置瓶中。如金甌卜相一
日同列署張次仲名。君驚白中涓。日是鹽州孝廉。若
以文章名不以富名也。去之便二三知交。日托鄧君
居間。君慨狀曰。吾在籍拚破吾家而不脫。諸君子羅
者有如日。數與中涓面折廷諍。即陰有所護持。不以
告人。朱君岷左。泄其語于張。張走會城報謝。至是始
識張孝廉。嗚呼。俠矣。朕君鬱鬱不自得。念身為諸生。遙

映前日罄折宦者前。每休沐即召疇。昔故人閉門轟飲。家
有梨園名鶴珠部。能為新聲。舉觴屬客。曰亂離以來
故業弗保者屢矣。吾先君子謝世。猶幸侍吾母。博旦
夕歡賓朋。滿座樽酒不空。真樂事也。朱君鷺洲理皖
城逮。詔獄。君携次子就婚。為之經紀其家。越明年
聞鷺洲死。君痛哭仆地不起。君始終戀戀于友者如。以友結
此君諱維垣。字披薇。號師甫。先世自高密散處楚蜀。
間君四世祖肇章。自楚徙錢塘。君大父子龍任俠好
賓客。家中落。君父大綬號體泉。屢以計朕策往來畿

輔間凡數致千金以太學叅武功衛軍事君嫡母張
 側魏生君及弟君幼時入泮拜母堂下母呼魏孺人
 與俱魏遜謝不敢耦宗族兩稱曰賢君逮事父母及
 執親喪哀毀過情其大節可信又如此君以萬曆壬
 子生順治戊戌卒得年四十有七子二長日錫璿次
 日錫珩長元配朱出次側劉出君易簣時家無餘財
 以券亦○竟○傷○心一篋授其子曰此皆四方賓客通財者約可四
 五萬緡諸君念吾以○已○度○人○當○如○是必念若可無凍餒慮也庶○前○妙朕鄧氏嗣
 此益貧困矣踰十年貴官某餉茶一龕其子璿愀朕

日一○段○餘○波○妙○絕吾母方苦饑何茶為鬻于故人顧君豸文即龍文
 同產弟也啟龕得金三鎰亟畀其家而君配朱忽以
 疾卒兩子痛哭曰是不祥金也顧君大笑曰汝父生
 平結客天假此以當大事耳珩出買璿杜門教授難
 為諸生善讀史積學有識力不求人知是宦銘銘曰
 富可使之貧也貧卒不可代更吾已知貴不如賤富
 不如貧而看爾子起令名

孫宇台日篇中寫金樞部精神正寫鄧君豪處寫
 張孝廉簡脫正寫鄧君密處寫交遊處

多家世處少正寫鄧君高處章法變化
奇快無比大家手筆

朱人遠日昌黎誌子厚感慨世途聲響凄切鄧氏
通賓客歿之日僅餘券一篋交態爾爾
文情何其婉至

駱孝子墓誌銘

嗚呼○余何忍銘孝子也○乎○孝子起負販○改而買布○略

識書能辨人賢哲與余交近十年余焚居暗我欲館

我飯我而力未能及余母死妻死哀我賻我又二年

子死寬我解我余謀一椽或饘粥不給周我急我恐

余增愧色輒取古人行誼慰我勉我其情好遠過儒

紳容城楊先生云論友于三代以下當求諸山林艸

澤農圃工賈之間余每掩卷嘆曰先生忠臣也其言

薄及余交孝子益信嗚呼余何忍不銘孝子孝子姓

駱氏名尚志字日貿僧其先明州慈水人也年四十
有一疽發于面背而死計至余家婦女有泣下者余

伏下文

仰天太息不覺涕之無從也傷哉孝子汝可以死乎

情深語劇

抑未也孝子年二十父死遺母遺二弟二妹更遺外

大母遺逋券不遺一錢母痛哭欲死忽感寒疾孝子

泣曰天能生吾母乎當剗臂為信已而果狀家貧焦

第一次割股

心勞思畫負販策始鬻荳脯少得錢繼而鬻薪行復

可憐

大

二次大

嘆曰七日可飽也其如逋券何遺父惡名不孝居有

間更范銅為瓢杓鬻焉道出田營兵兒妻獨居招孝

三二次

子登樓孝子急避去已而諸賈鬻西江蔗嘗倍其值

孝子效之以是得遍償債家金蔗盡鬻芡不減如鬻

四次

五次

蔗時涼秋九月更往來三泖間市蠟比而貿于杭之

六次

忠清里里多布肆依其簷為蠟市肆主人廉知其能

嘗召孝子攝貿布于是孝子能貿布賃余屋始與余

可謂上公七命矣

定交云孝子貿布五年有弟日大經大綸大經能承

兄意孝子年三十有五矣意不欲婚請于母日先為

大經娶婦母笑而許之弟偶病幾死孝子禱神祠泣

日某為弟娶婦庶幾續先祀養老母也神鑒吾忱當

生○吾○弟○復○刳○臂○飲○之○而○愈○嗚○呼○孝○子○○第○二○次○○忽○作○信○語○在○謂○無○天○道○者○
 矣○也○君○父○歿○歷○二○十○有○一○年○釋○負○擔○者○僅○十○年○二○十○
 一○年○以○來○為○母○謀○為○弟○妹○謀○更○為○外○大○母○謀○而○未○嘗○
 為○身○謀○要○其○所○以○為○母○謀○為○弟○妹○謀○更○為○外○大○母○謀○
 而○未○嘗○為○身○謀○者○皆○為○父○謀○鞠○躬○盡○瘁○歷○二○十○餘○年○
 如○一○日○也○孝○子○精○誠○感○格○能○生○母○生○弟○○此○何○以○故○而○天○不○能○生○
 孝○子○天○道○茫○茫○固○未○可○為○流○俗○人○言○也○往○余○記○孝○子○
 兩○割○股○事○心○竊○意○其○壽○考○他○年○作○方○外○遊○而○孝○子○死○
 矣○孝○子○生○于○戊○寅○某○月○日○死○于○康○熙○己○未○七○月○十○六○

日○銘○曰○汝○負○販○傭○其○脫○屣○也○如○雪○上○飛○鴻○吾○欲○飲○酒○
 而○撫○汝○墓○門○之○松○

徐○大○文○曰○余○識○孝○子○凡○五○年○聞○其○死○嗟○悼○久○之○鹿○
 庵○語○余○云○惟○孝○子○不○愧○吾○文○覽○之○言○言○

真摯無一溢美

弟○青○崖○曰○孝○子○茹○齋○不○佞○佛○狀○與○禪○近○迹○其○生○平○
 為○士○林○所○不○及○余○兄○不○肯○槩○諛○墓○而○為○
 孝○子○作○銘○意○者○以○是○為○郭○有○道○乎○

來節婦墓銘

臣無二君起得凜朕妻無二夫先王經世之大防也世衰道微

若可鋤而去之以委蛇於其間而人類幾乎息矣子

夏曰事君能致其身身為君有則委其身以事君猶

之守與本意昭合其身以事君也臣道也亦妻道也蕭朕來節婦

有之節婦元成先生之從姑也父日逢期為西陵沈

驥拮配歲甲申驥迎親蕭朕節婦忽喪母婦翁迎壻

結縵且日吾女暫攝家政待新婦至送卿還耳明年

建康失守會賊臣南奔擁殘兵棲會稽節婦家長河

聚族謀曰王師將渡潰兵如蟻可若何或曰冠山可
 避湘湖可隱也其婿驥謀遷居會稽龍尾山節婦方
 娠羣媪請免身而後行婿與父方入稽山輒生子未
 幾兵果潰隴畔驚告曰兵至矣則皆走湘湖半來氏
 居艤舟于門以待一夕奔告者三啼號幾不聞人語
 節婦與嫂謀曰吾拚一死矣嫂泣告曰姑生男奈何
 死節婦亦泣曰卽生能全其身乎嫂為姑縫其下裳
 節婦亦如之稍間告其嫂曰愚矣身為人有卽裹甲
 奚益塵忽起篙師持舟東西走急語嫂曰吾向不言
會皇急遽狀

乎名不可涅何異絕命詞耶身不可辱吾與嫂乘輕雲登冠山望夫
 歸矣呼婢玉蘭汝若無恙可坐此以待爾主先溺其
 子慘復牽嫂衣沉湖波深處時順治三年五月三日也
 嗚呼節婦獨非人情乎哉越數日驥微行至湖口見
 故時婢臥渡頭告以故痛哭仆地屍浮水面如生時
 兩人猶聯袂也裹以布被掩于土穴越明年丁亥遷
 入木疑空幣耳屍竟存無塵垢驥泣曰吾見卿止此
 矣酸鼻語奈何不語兄哭其妹父哭其女夫哭其妻老媪臧
此四字指兩家而
 獲各哭其主婦道傍過者皆為泣下藁葬黃山者二

十有二年。戊申。附葬。啟棺。棺彩煥發。肖節婦之。潯。朕。不。滓。如。此。說。者。謂。臣。之。事。君。猶。妻。之。事。夫。臣。可。再。得。而。臣。不。敢。不。忠。乎。君。妻。可。再。得。而。妻。不。可。身。辱。乎。夫。朕。吾。讀。史。至。受。禪。勸。進。自。黃。初。作。備。延。及。五。季。岡。知。臣。節。未。嘗。不。嘆。息。痛。恨。於。若。而。人。也。史。稱。陳。江。總。隋。裴。矩。晉。馮。道。之。三。臣。者。為。醮。婦。所。羞。朕。則。婦。之。身。可。一。辱。乎。有。明。末。造。朝。紳。媚。閣。即。棄。熹。廟。而。醮。閣。越。甲。申。朝。紳。迎。闖。即。背。思。陵。而。醮。闖。卒。賴。皇。朝。一。雪。君。仇。何。圖。一。女。子。甘。效。汨。羅。以。殉。其。夫。迨。欲。與。劉。會。稽。

同○時陳中丞爭烈乎。嗚呼。微獨節婦。即嫂何。亦烈女也。來氏有女。沈氏有婦。惟姑與嫂。易地皆朕。元成先生題。其木。主曰。恭貞。其意深矣。越三十有餘年。其子世楷。請于父曰。男為人後。母氏大節不傳。不可以為人子。乃請余銘。銘曰。緬彼湘湖。以遨以遊。山摧石斷。霧結雲愁。凡百有位。鑒此清流。

朱若始曰。寫節婦大節處。將君臣夾發。慷慨激烈。金鐵皆鳴。是宇宙間有數文字。

卓亮菴曰。來夫人殉節。叙得生氣勃如。後幅將故。

明末造感愴生情覺兩女子巾幗千載

猶香

毛少君墓碣

錢唐徐君鄴有指配曰毛少君名媿字安芳雅黃先

生長女也生十有六年歸徐甫七載舅太為僧姑獨

處奉姑謂而該惟謹且與夫佐姑畢婚嫁舅聞而賢之春秋

四十以疾卒姑為哭之慟初少君母胡坐蓐時大母

真得孫羣婢謹譟欲娛老人波瀾好歡給曰男也及生少君

大母保抱置懷中曰女詎不如男耶十餘歲窺父吟

詠效之父戒之曰此非女子所宜遂巡謝不敢朕父

嘗與客唱酬伏惟善女子如是中聽之益復了了既于歸閨中暇

時。夫。婦。倡。和。懽。愉。况。瘁。悉。寓。于。詩。族。叔。際。可。題。其。編。
 日。靜。好。集。叙。而。藏。之。世。莫。知。少。君。能。詩。者。一。日。花。下。
 讌。集。小。姑。摘。空。男。州。奉。少。君。日。嫂。能。詩。可。詠。此。以。迎。
 祥。少。君。咲。日。詩。似。晉。人。語。吾。神。明。為。之。即。吾。子。也。他。日。以。其。言。
 白。父。父。不。荅。及。其。歿。也。追。憶。前。語。悲。之。為。梓。其。詩。以。
 慰。九。原。嗚。呼。少。君。豈。獨。以。詩。稱。耶。母。病。割。股。以。進。者。
 三。自。念。艱。于。子。即。為。壻。置。貳。語。之。日。舅。雖。逃。禪。有。識。見。豈。不。
 念。子。孫。哉。余。讀。其。詩。幽。閒。貞。靜。見。婦。德。焉。乃。至。欲。以。
 詩。為。子。方。正。敘。一。筆。或在。高。人。達。士。寄。托。感。懷。而。不。意。女。子。言。之。

若。此。傷。已。先。是。今。年。孟。春。少。君。誕。辰。西。陵。閨。秀。各。有。
 贈。言。少。君。喜。不。置。披。覽。數。過。曰。此。皆。吾。良。友。可。藏。之。
 以。時。晤。對。不。幸。季。夏。歿。諸。閨。秀。又。相。率。為。詩。吊。少。君。
 賀。者。弔。者。恰。狀。忽。焉。嬾。易。徐。君。悲。可。知。已。玉。折。蘭。摧。女。也。
 永。歎。謹。換。次。其。事。刊。石。以。垂。諸。永。永。

陳一玉日情事悽惋筆能曲寫昔人所謂文足以
 發難顯之情斯篇有焉

馬鳴九日少君可謂不愧賢父矣華徵每念婦泣
 下得此文可以不朽

告竈神文 并序

歲乙卯竈厨磁椀冷冷作響迫而聽之餘音尚嫋
嫋椀不能鳴疑有祟馮焉或曰竈無牖神無所棲
椀聲嗚嗚神其示悲乎抑怒也一僕寢釜側恐不
潔觸神乎某乃吞嗟太息為文以告神曰

神其苦無棲耶有里可訴方某焚居神遷何所神其蒙不潔耶
驅僕露宿彼亦人子神其欲寧宇耶易衣併食力不
我與茫茫宇宙莫愚于人惟神則靈人之有無大是駟詐
可匿于人而不能匿于神則惟神之實臨汝也某曩

有室廬足蔽風雨。然妻子不免飢寒。迄于今。神視某
 何若。啓其戶。無床。無几。無器。披其帷。無塵。無垢。傾其
 筐。無短衣。襦袴。窺其甕。無鹽。豉。無醯。醬。問其藏。無墳。
 史圖籍。無居。可爲巢。可營窟。無紙筆。可結繩。無錢。并
 無薪。無酒。有時。無米。可茹。毛。飲血。若是者。人未必知。
 卽知之。亦莫余肯顧也。神應知我。築一室。如斗大。牖
 當北。泣於斯。寢於斯。噴飲食於斯。聚厠溷于斯。北牖
 迎風。有風。無月。有雪。無日。風穿隙而來。雪緣側而集。
 有長枕。大被。疊石爲枕。纍絮爲被。米罄。益以囊。戒不

卽伏下一段

奇

得妄動。夏則餉蚊。冬則醞蝨。幼女悲啼。羣兒聲咽。若
 是者。某所自憐也。神應憐我。且某之死。喪亦盡矣。懼
 焚死而不死。閱三月。母感寒疾。死踰六月。妻感炎暑
 死。犬子痼疾。囚之床簣間。凡四年。而待死。若是者。吾
 不知愛憎好惡。哀某與否。神應哀我。梳之鳴。神耶。崇

試問之不終何也

神將何辭以

耶。悲耶。怒耶。抑罰有餘辜耶。神之靈。可以警人之有
 而。不能。憚人之無。可以懲人之樂。而不必。益人之憂。
 且神可以司善惡。而不能代人佐緩急。可以觀成敗。
 而不能爲人先告語。某飢寒驅迫。命似草菅。神處貧

歲寒堂初集 卷三
家難如富室。將恐將懼。相驚無益。天再肆虐。辭之不得。神視吾家。棺比如櫛。鬼若崇吾。司命驅殛。媚寵無能。將捫朕舌。

陸梯霞曰。非窮境何得有此奇文。得奇文又何恤乎窮境耶。

陳天祇曰。膠牙餽媚東厨。司命何如。以此文告之。魏庸齋先生有居然供紙筆之吟。余每嘆服。今又見鹿庵矣。

題霍子厚宮詞

古有宮禁。誰來而得罪者。有不荅温室省中樹者。乃後人多宮詞。此何以稱焉。某少時見勝國老監。流落江南者。往往遇于僧居梵刹。頗能言啟楨年間事。久之不復記憶。因嘆楊子雲蕩漾生姿好奇。嘗把三寸弱翰。齋油素四尺間。異語歸卽以鈔。摘次之于槩。視僕竟何如。耶子厚少年作勝國宮詞百首。屬詞比事。皆有源委。可比王建。一代貞淫奢儉。規制典禮。衣服飲食。玩好遊觀。無不畢具。亦古今得失之林。興衰之鑒也。覽者

或以爲宮詞焉。可。或以爲宮史焉。可。

丁素涵曰：只數言耳。丰神自爾奕奕。

受業沈雷臣曰：讀先生作知作文，須有關繫方可。

下筆

書楊椒山先生年譜後

先生以直諫死。天下兒童婦女知之。余讀公年譜，官

南都時，師關西韓公受樂。夜夢大舜，授以金鐘。此與

文中子○授○引○得○妙○夢孔子有別樂成，更與同舍郎講學。一一力

行。先生生平，真所謂致知力行。有體有用。廷杖時，自

言心○是○先○生○一○生○得○力○處○有定主識，得死生甚透。其死也，徒以直諫掩其

理學。假道學者，必且謂丰神過激，無涵養矣。先生見

時，額有紅絲。一道人目之曰：此兒非常人也。紅絲不○奇○

吉。爲汝去之。一道人後至，搖手曰：不可。此乃天地正○稟○然○

歲寒堂初集 卷五
氣然則嵩豈能死公耶天欲借公作萬世忠臣義士
俱耳。

汪寓昭曰許先生理學便非隨俗觀場然理學能
直諫者舒羅兩殿元外幾人哉

周晉侯曰眼光真高出牛背

歲寒齋說

僕柴車露宿久矣歲丙辰始築一椽僅可容膝友人
陳天祓先生名之曰歲寒余曰有說乎先生曰汝知
夫松栢乎方夫托體山阿植根巉石陰祥雲而潤甘
雨謾和風而迎耀景人盡知之及夫歲將暮時既昏
窮陰殺節急景彫年天若歲歲欲摧殘乎松栢松栢
能歲歲不撓以任天亭亭容與而受之未幾而龍爲
之鱗鐵爲之幹虬爲之攫鳳爲之翔鶚爲之掠朝朝
暮暮松栢方凌風而舞翠盤帶雪而著霓裳媯朕斌

媚一往情深。嗚呼歲之寒也。萬卉盡藏。惟松栢不改。柯易葉剛。而能柔直。而能婉高。而能容大。而可親。孤而可交。屈而可伸。人未必盡知之也。吾取以名汝齋。僕避席起曰。歲寒之義如此哉。述其言誌之。

關波民日地凍天僵。有此奇勁。

馬鳴九日。却自命不凡。

杜少陵諸葛武侯祠辨

郭外村落有鄉曰良渚。丙辰水泛溢。余乘舟至一橋。迴溜激舟。舟人呼曰。杜甫橋。余惘然不覺也。憇田家。見持雞豚賽神。余問何之。輒指曰。前有杜少陵廟。夫少陵一生不入吳越。且此地多農夫。未聞有高人隱士。托足于茲。豈前代慕其為人而祠之歟。獨是千古詩人。忽受村農祈禱。寃矣。問之僧。又茫無以應。歸大飲酒。餽餘賦詩弔之。今年春有事于良山東麓。即南渡宸遊。看新綠處也。巍然有諸葛廟在焉。當三分時武

侯相蜀錢塘為吳地安得以土神祠之意必諸葛子
 瑜訛而為臥龍耳千百年來未知果兄果弟吾意良
 渚必無少陵而論斷得妙今也實有少陵良山必有子瑜而今
 也實無子瑜幻矣余乘舟渡良渚而南土人呼其地
 為狗葬余笑曰狗有嗣乎土人曰相傳宋丞相檜葬
 此人惡之沿是名今且交指為狗也嗚呼人世變態
 雨覆雲騰即祠廟或有或無不可知文章節義妙蓋可
 忽乎哉

徐華徵曰方知文章節義千古不磨

徐沛思曰無端逸事先生叙來便爾俯仰情深又
 點入僧事映帶生姿

書舟中逸事

余渡江。舟中佑客。談劉東平少時讀書曹縣僧舍。爲

塾師所撻。怒欲逃去。僧有妻。勸止之。曰。劉二郎且住。

爲佳耳。師與父等且安往。東平駢脅有力。身痛卽抱

石佛繞殿走。羣兒謹噪從之。石佛墮地。積久成坑。一

日。師又撻之。怒題寺壁。曰。此去何年還歸來。留玉帶。

竄身行伍。以列校從征貴陽蠻洞。迷失道。絕糧。命二

卒荷鐵鞭。易粟。土人笑謂卒能舞是者。吾卽飯。若東

平至上馬。舉鞭如竹枝。土人羅拜。曰。得非尉遲後身。

耶。出飯飲之。并導以出。夜坐驛中。一鬼泣案下。云。須
君又奇侯刺達城隍神。吾獄解矣。如其言往。殿中聞神語
曰。當如命。夫東平國初伏法死矣。勝國之季。無功伐
節。鎮封侯。乃生平奇異如此。天之相之。豈以侯爵故
耶。

徐沛師曰。筆端如畫。

受業周襄鳴曰。每文經先生手。便有活虎生龍之
致。存此亦足以廣異聞。

記楚人說

一楚人爲余言。曹石霞胤昌。道出某地。肆中一女子。
年可十四五。與父獨居。石霞騎馬過其門。女子指謂
父曰。是曹解元也。奇事兒欲與語。若迫不能待者。父曰。吾
雖貧賤。汝閨中女。安識若。女啼不止。父詣石霞白曰。
小人有女。願見府君。石霞卽騎馬至。未審何故女子忽南向坐。
石霞東向侍。語刺刺不休。或彼此涕泗交橫。父聽其
語。不可解。驚問故。兩人俱不答。久之。女子跌坐。而目
瞑矣。奇石霞還寓沐浴。端坐亦逝。豈前身浮屠師弟耶。

姑筆之以質後人。

汪幼闇曰寫逸事如身親見之奕奕生動
程香升曰事奇人奇故其文亦奇

三茅道士說

余過信州見起得疎朗仙人遺棺如在鏡中乃知仙未有不死

者三茅道士曰無之道士爲余言雲間有裸仙者陸
姓逸其名幼時父命炊飯一夕飯糝雜泥沙和之父
怒曰若能食貸汝不則沉于江裸仙舉釜食之父以
爲癩逐之出嗣此卽不語居姑蘓葑城下鑿土爲坑
聚奇炭奇爇之坐臥其上汗如雨氣如雲冬夏裸裎布方
幅圍其下體遇脯炙肆立其傍肆或與肉噉盡其售
三倍不食卽負布破補綴想亦玩世意如魚鱗積二十餘年補綴

垢臆重日增崇禎壬申七月大風潮水溢數日不見
裸仙賣炙者怪問故忽言日吾往北寺塔上逐龍否

則汝曹魚驚矣坐坑上人投以錢半市炭及昏紙拭

汗無休時一日市人夢裸仙言別詰旦視之端坐逝

矣漆固其身奉之尸竟腐又言有捕蝦張者得異術

日坐五通神閣內屈足容身每及晨負販者雲集揮

手日東則東揮手日西則西各得錢歸不語則偃蹇

竟日西陵某偕七人訪之一客遲登舟六人先去至

其側出肉六鬻餉客留其一以待後至者客遲至又

出肉餉之羅拜稱弟子凡五日忽操吳音日阿儂不

理會每出隨一犬夜與犬同臥起其後疾走如飛犬

齧其足什地視之死矣顧其犬亦死朕則二仙亦未

嘗不死安得云有仙耶道士起欲辯余笑日此其故

吾自知之弗復言


邵恒旋日犬亦仙去耶恐是三仙耳筆亦飄飄欲

仙

弟青崖日世所稱神仙長生不歿老莊家多鄙薄

之以其猶滯于幻形也神仙妙用吾兄

微詞可廣齊物論



禮記